


蘇州府志

卷十六




蘇州府志卷第二十五

學校一

書院社學
義學附

吳之有學肇於宋范文正之遺澤胡安定之教百世而下
學者猶宜興起況 國朝文教昌明自粵匪盪平之後首
新學校宮牆煥然咸復其舊其修建始末宜筆之以示有
考

府學在府治南按唐史李棲筠增學廬宋祥符圖經子城東南
有文宣王廟俱不言學所在宋景祐元年范公仲淹典鄉郡
因州人朱公綽等請以聞於朝二年詔蘇州立學仍給田五
頃公初購得錢氏南園之巽隅欲卜宅及得請割以創焉廣



殿在左公堂在右前有泮池傍有齋室延安先生胡瑗爲師更八政學始大成嘉祐中富巖建六經閣熙寧中校理李縉又以南園地益其垣至元祐中來學者日眾公綽子長文掌教事議請南園隙地以拓齋廬會范公子純禮制置江淮六路漕事上冢過家爲奏請修廣詔給度牒十紙充費而前後守劉珵王觀選官治役益以關賦之財期歲告成遷校試廳於公堂之陰榜曰傳道建炎兵燬守臣先葺學宮紹興十一年梁汝嘉建大成殿鄭仲熊記十五年王喚繪兩廡像朔講堂闢齋舍乾道四年姚憲闢正路疏泮池九年邱審重建傳道堂又建直廬淳熙間教授黃度葺二齋擇有志者居之

二年韓彥古作仰高采芹二亭

按采芹亭自盧熊志以下皆爲姚憲作此從吳郡志

十四年趙彥操卽六經閣廢址建御書閣藏高宗御書六經

石刻堂左建五賢堂祀陸贄范仲淹純禮胡瑗朱長文

初爲案

三賢堂祀范文正胡安定朱伯原其後改爲五賢祠又改爲先賢祠見國朝彭啟豐重修鄉賢祠記

寶慶三

年秋七月大風雨殿閣皆摧圮欲歷紹定二年教授江泰亭

請復豪右所占田得租緡以新之守林介提刑王與權提舉

常平王栻

姑蘇志康熙志作王斌誤

守李壽朋相繼訖其事淳祐六年魏

峻因教授何德新請復加興葺李起記寶祐三年趙與篤拓

地鑿池作橋門移采芹亭與外門相映建齋九曰敏行育德

中立就正隆本

處教宗室子弟

立武

處習武舉之士

養正

處教童子

興賢登俊

之後閣後建堂曰成德又於傳道堂後建泳涯書堂立雪亭
秀者右土阜上為道山亭本南園之故邱朱長文所題泮水也元至元二十九年教

授李淮造祭器自為記大德初殿宇壞治中王都中謀於郡

人運使朱虎以私財撤而新之并修學宮燕公楠記舊御書

閣居殿之西直講堂之前碎於暴風延祐中部使者鄧文原

更閣於講堂之北曰尊經皇慶四年總管師克恭修趙鳳儀

繼之增外垣五百四十丈環植松柏萬株楊載記至治二年

總管錢光弼修廟學又築垣一百五十丈三年改作櫺星門

至正五年總管吳秉彝修學鄭元祐記十五年達魯花赤六

十從教授徐震等請易陶甃登廟垣凡縱廣五百七十丈高

一丈三尺下廣七尺魏俊民記十九年總管周仁修學鄭元

祐記二十六年總管王椿建前志作王椿年誤樂軒於大成殿前周

伯琦記明洪武三年重建道山亭六年知府魏觀即成德堂

舊址建明倫堂置敏行育德隆禮中立養正志道六齋復地

之侵於民者五百四十丈補垣四百八十丈有奇拓廟南地

展櫺星門以臨通衢凡增深六十丈七年重建教授廳於明

倫堂之西王煥如郡學志云甯玉官領軍千戶家吳江買地助郡學孫開洪武初感知府魏觀德化克承祖志

盡捐己地歸學同時助義紳耆莫禮葛德潤十五年知府張冠塑聖賢像王鳴吉

記永樂十五年知府劉麟重建尊經閣二十三年教授陳孟

浩等白巡按御史李立重修廟學宣德二年又白巡按御史

陳敏易泮池梁以石為竇七以象七星長十二丈廣一丈二尺大理寺卿胡槩及

孟浩皆有記八年知府況鍾重建大成殿易止善堂曰至善盧熊案

志傳道堂元改為止善堂今為至善是洪武時已又建毓賢

改名矣姑蘇志以下皆云宣德八年改未知何據堂於後何澄記正統二年重建明倫堂為齋四左隆禮中立

右養正志道設兩廊號舍胡儼記九年知府李從智築垣六

百三十丈何澄記景泰元年知府朱勝建會膳堂三年知府

汪許增建學舍三十間於毓賢堂後案前志職官題名並云許於景泰四年任此

處三年當有誤天順四年知府姚堂大修學改隆禮中立二齋曰成

德達材立杏壇學門內覆以亭重建道山亭魏驥記又立狀

元解元二坊六年知府林鶚改建廟易兩廡諸賢像以木主

成化二年知府邢宥重修建泮橋作直廬移射圃於學後徐

有貞記四年知府賈奭作亭於尊經閣後提學御史陳選題

為游息所前鑿方池布橋立坊曰眾芳又前壘石為山曰文

秀峰改觀德亭為廳十年知府邱霽以大成殿自宋元以來

凡三改作皆隘不稱請於巡撫都御史畢亨大規模之建殿

五間重檐二軒兩廡四十二間撤舊材作戟門五間左右掖

門各三間學門故東向歷廟道折而南入及是益市居民地

徒門於櫺星之西更為門於泮池之北以達於廟然後廟左

學右基址方整邱去劉瑀來代始畢工二十一年巡按御史

張淮修學知府李廷美建泮宮坊陸鈇記案補乘鈇作鈇李廷美記文作毛

美廷弘治十二年知府曹鳳建嘉會廳學門外為師生迎候之所
 所增建會元坊正德元年知府林世遠建東西二門東曰躍
 龍西曰翔鳳移嘉會廳於東門外改舊廳為安定書院三年
 知府林廷楊重塑兩廡先賢像顧鼎臣記十二年知府徐讚
 言於提學御史張鼇山巡按御史孫樂大修廟學嘉靖二年
 知府胡纘宗重建大門改躍龍曰龍門翔鳳曰鳳池又以嘉
 會東廳為十賢堂祀王充韋應物白居易劉禹錫王旦韓琦
 歐陽修蘇軾李侗陸九淵七年奉詔建敬一亭縣學同十一年
 詔廟稱先師廟廟後建啟聖祠縣學同教授錢德洪以湖石壘
 巖洞於道山亭前又題文秀峰曰南園遺勝自為記十七年

巡按御史陳蕙罷十賢祠仍名嘉會廳二十八年知府金城

買學門西民地建徂徠堂按城自記云嘉靖三十一年正

案城記有云學前舊有稽古堂以為官僚肅容之所嫌其蔽

塞門屏移諸學宮之西宛然泰山之有徂徠也因為名稽

古堂建自何時三十七年巡按御史尚維持知府溫景葵修

廟學就舊游息所改建敬一亭易泮宮坊額曰斯文在茲移

三元坊於龍門北建萬世師表三英文獻二坊分列廟學門

外張袞王庭各有記隆慶五年巡撫都御史陳道基修廟學

嚴訥記萬曆四年兵備副使玉叔杲植松柏於櫺星門內七

年知府李充實重築杏壇葉春榮記十八年知府石崑玉從
 教授張惟方請修廟學泮泮池玉帶河舊志作十三年案職

崑玉皆十八年任今據改三十一年知府周一梧請於巡撫都御史曹時聘等大修廟學三十八年教授陳圭請移解於毓賢堂後天啟三年巡撫都御史周啟元修重建祭器樂器二庫提學孫之益巡按御史潘士良巡鹽御史傅宗龍各輸金有差教授劉民悅有正樂舞修祭器樂器記六年為颶風摧壞崇禎四年知府史應選修明倫堂六年風益烈喬木周垣盡仆巡按御史祁彪佳修廟庫名宦祠七年巡撫都御史張國維修學門鄉賢祠十二年推官倪長圩大修十四年竣工張世偉及長圩各有記 國朝順治十二年巡撫都御史張中元修啟聖祠西戟門十五年提學張能麟巡按御史王秉衡副使宮

家璧出俸金修學稍買民地拓外垣康熙二年巡撫都御史韓世琦修五年布政使佟彭年重修並濬泮池自為記七年至十二年巡撫都御史馬祐布政使慕天顏大修廟學提督梁化鳳織造侍郎雷先聲按察使陳秉直鈔關席柱劉士龍以逮府縣官廢不助力郡人修撰繆彤修狀元坊十五年郡人施文川修泮橋十六年分守參議方國棟修啟聖祠二十年分守參議祖澤深修戟門櫺星門訓導張杰修至善堂毓賢堂二十二年巡撫都御史余國柱修戶部侍郎李仙根僑居蘇偕郡人宋駿業助之二十四年巡撫都御史湯斌大修三十七年巡撫都御史宋犖修廟殿四十一年又修明倫堂

四十八年知府陳鵬年請於巡撫都御史于準募修增植松
 柏五十七年巡撫都御史吳存禮修廟垣建考房二十四間
 雍正四年巡撫都御史張楷修明倫堂八年巡撫都御史尹
 繼善修學宮改建崇聖祠乾隆四年以後布政使常撥存餘
 學租歲修十一年知府傅椿重濬玉帶河建洗馬橋道山亭
 五十三年郡人候選道汪文琛獨力捐修嘉慶十七年巡撫
 都御史朱理重修道光二十一年紳士董國華偕諸同人募
 資修大成殿重建明倫堂郡人汪正董其役逾年而告竣成
 豐十年燬同治三年巡撫李鴻章重建至七年巡撫丁日昌
 始竣其役

采張伯玉六經閣記六經閣諸子百家子史皆在焉不書尊經也吳郡州學始由高平范公經構之

其後天章蔣公待制中書柳舍人史館昭文張陸二學士行
 郡事殿中丞李仲塗先生之猶子中臺柳兵替今尚書富郎
 中十年更八政學始大成仁賢繼志丙戌六經閣又建先時
 書籍草創未暇完緝厨之後庶澤池汗晦日滋散脫觀者測
 然非古人藏象魏拜六經之意至是富公始與吳邑長洲一
 大夫以學本之餘錢就工市材直公堂之南臨泮池構層屋
 起夏六月乙酉止秋八月甲申凡旬有七浹計庸千有二百
 作楹十有六棟三架雷八楹三百八十有四二戶六牖梯衝
 棗稅坊漫陶甃稱是祈於久故爽而不庠酌於道故文而不
 華經南嚮史西嚮子集東嚮標之以油素揭之以油黃澤然
 區處如蛟龍之鱗麗如日月之紀不盡在是矣古者聖賢之設
 之極致皇王之高道生齒之至眾不可以頤解耳授故教之
 教也知函夏之至廣生齒之至眾不可以頤解耳授故教之
 有方導之有原乃本庠序之風師儒之說始於邦達於鄉至
 於家莫不有學烜之以文物聲之以聲明先用警策其耳目
 然後濬發其靈府故其習之也易其得之也深其教不肅而
 成不煩而治歐元元之入善域優而柔之俾自得之萬世之
 後尊三王法四代者無它焉教化之本未馴善也然則觀是
 閣者知六經之在則知有聖人之道知有聖人之道則知有
 朝廷之化知有朝廷之化則嚮方之心日懋一日禮義之澤

流於外絃誦之聲格於內其為惡也無所從其為善也有所
歸雖不欲徒善遠罪納諸太和不可召康公之詩曰豈弟君
子來游來歌子思之說云布在方策人存則政舉凡百君子
繇斯道覺斯民暢皇極序彝倫者舍此而安適得無盡心焉
諸儒謂伯玉嘗從事此州游學滋久宜刊樂石庶幾永永無
忽矣禮義不可一日忘故學校不可一日廢也昔唐虞三代之
盛未嘗不以建學嚴師為先務內則一王世子羣后卿大夫元
士之適子其入以齒外則塾黨鄉遂之間其教以時下至於
四方萬國之遠皆命之為庠序其法詳矣故始於直寬剛簡
而防其失次以歌詩音律而致其和者此堯舜之典樂所以
射御書數為之聖義中和為之德孝友睦婣任恤為之行禮樂
以教於下為之藝此周之大司徒而傳命也若置郵而傳命也
之能禦也書美萬邦黎獻可以共為帝者之臣詩稱成人有
德小子猶有所造其材之可用如此蓋當是時風化行習俗
美人人有士君子之器雖畎畝之賤山林之幽亦為仁義之
所漸摩禮樂之所陶冶咸入於善置免而不忘敬敦葦而不
忍踐豈有暴亂萌於心姦宄害於事者哉此建學之效也王
道衰禮義廢獨一魯侯能修泮宮囚馘之獻猶不離此邦人

頌焉戰國之際孟軻猶歷說時君謹庠序之教申孝弟之義
終澗而不用習大亂汔於秦棄儒任法民不知學而疾視其
君蠶起而虛秦矣漢方休息元元未遑先王之教世宗奕奕
首善於京其臣有若董仲舒者為大夫文翁者為郡國其課士必
以經藝蓋士不素養則德難遽考使因學以知經因經以會
道庶乎有成矣東京內盛三雍之儀不及於外而鄭興賈逵
馬融鄭康成之徒繼為人師以經相授囊括古典六學寔明
是以時政雖亂於上而義士交起於下抗節濡足用救陵夷
漢賴以不亡者百餘年魏分晉弱事不足道唐之文物盛矣
而尚賦以取人薄經術以文辭相夸夫文所以宣志也觀
其文則志可度哉故元臣碩老多由辭科以出神宋受命過
亂興治乘興而常幸國庠親臨講席是時勳臣宿將並列藩鎮
庠序雖未興而鴻儒碩士聞風以起有若戚堅素在睢水种
明逸在終南皆聚徒講授髦俊歸之其後陪京方面之守臣
稍請興學自景祐中范文正公參預機政而石守道孫明復首居
建於湖慶曆之盛文正公召輔臣八人問以治要文正公復
太學是時仁宗開天章閣召輔臣八人問以治要文正公復
以學校為對於是詔天下皆立學神宗之時立三舍法置方
郡教官皆試可而後授今上嗣位申命近臣薦堪內外學官

者方聖朝承平之久而長育之勤雖瀕海裔夷之邦執耒垂
髻之子孰不抱籍綴辭以干榮祿衰然而赴詔者不知其幾
萬數蓋自昔未有盛於今也凡命敘之法以經術觀其學以
詞賦觀其文以論策觀其智所取兼於漢唐而德行道藝之
士參出乎其中矣然欲合二帝三代之法使人人有士君子
之器在吾君相之所潤色也始姑蘇郡城之東南有夫子廟
所處隘陋方丈正公以天章閣待制守是邦欲遷之高顯相
地之勝莫如南園南園者錢氏之所作也高木清流交蔭環
醴乃割其異隅以建學廣殿在左公堂在右前有泮池旁有
齋室是時學者才逾二十人或言其太廣文正曰吾恐異日
以爲小也於是召安定先生首當師席英才雜選自遠而至
厥後登科者逾百數多致顯近蘇景祐迄今五十餘載學者
倍蓰於當時而居不加闕也長文適忝命掌學周視黌舍傾
墜徧迫於寒薄暑燠諸生病之來者無所處乃與同僚議請南
園隙地以廣齋廬屢論於郡守部刺史病財用之不給會文
正之子兵部侍郎公純禮以厚德遠業見器朝廷出自奉常
制置江淮六路漕事擁使者節過鄉上冢迺以學舍之微白
公公既學拜文正公遺像延見諸生感慨陳迹即奏言蘇
潤之學皆先臣所建後之久不葺而齋室不芻風雨講習無
所願給錢修廣而今太守諫議王公在潤先以潤學爲請有

詔各以度牒十紙充其費時元祐四年五月也前守戶部劉
公堽選官治役度用賦工會王公自潤易蘇下車三日臨視
興作命之舊創新累工逾萬期歲而告成不以一分材助以
命之卒完如也廊廡翼如也齋室凡一立文正公安定先生祠
公堂擴有五十楹而初建者三之一也
遷校試廳於公堂之陰榜曰傳道庖廚澡室莫不嚴潔窈然
而深曠然於明其處也寬其容也眾南楹引愛日北牖延清
風咸適其宜矣凡學田之於人也隱沒者爲之括而實之
屋之儼於市而大儒者爲之新而復之養士之資由此不匱
皆太守所命也犬儒者早暮孜孜從事於典籍苟居處之不
佚饑糧之不豐而責其勤難矣故嚴其宮足其餉所以教也
且吳爲東南都會自泰伯三遜天下嚴者此誠禮義之區儒雅
學稱嚴助以文著張顧陸世多顯者程課臘科等哉必也
爲文足以貫道爲經足以通理立於朝廷則謀王體贊國論
仕於郡縣則宣惠澤興事功其餘風所扇猶將使人老老而
幼幼於夫而婦室有忠信俗有廉潔然後知新學之老老而
專以棟宇爲哉君子謂之仁惟孝與仁於是著矣正諫公以道
公樂成於教育可謂之仁惟孝與仁於是著矣正諫公以道

立朝忠精不回其治吳期月吏民感其德而安其政書坐郡
閣事至即決已而與賓客雍容笑語沛然有餘裕方學之成
吳人莫不欣悅鼓舞望車馬之來而樂芹藻之采也見命作
記確辭莫獲輒係之聲詩刻之隆碣以告於後世云詩曰惟
帝先宅錫民保極曷以臻茲惟教之積降漢迄唐以經緯九
元肇開雍老世偉其人天佑神宋七聖繼德右儒尚文經緯
域與師明友諒俊傑紹登歷載五紀烝然髦士將圮其隘士
是興能止翼匪庸使勤資我敦養高堂遂庶環闕羣齋潭潭其
以新濟其來孰居是堂勿辭章職色拱把之木長而參雲涓
深濟濟其來孰居是堂勿辭章職色拱把之木長而參雲涓
是齋勿嬉勿息道淵源辭章職色拱把之木長而參雲涓
勺之水滌而流坤匪學之設惟材之成是明是翼永贊丕
鄭仲熊吳郡重觀以來未之或改我宋有天子廟於學以歲時
釋奠蓋自唐貞觀以來未之或改我宋有天子廟於學以歲時
益之姑蘇當浙右要區規模尤大更建炎戎馬蕩然無遺雖
修學宮於荆榛瓦礫之餘獨殿宇未遑議也每春秋展禮於
齋廬已則置不問殆為闕典今寶文閣直學士括蒼梁公來
牧之明年實紹興十有天子不禩也嘉為不肖俾再守茲土願
自咎揖諸生告之曰天子不禩也嘉為不肖俾再守茲土願

治民事神皆守之職唯是夫子之祀教化所基尤宜嚴且謹
而拜跪薦祭之地庠陋乃爾其何以揭虔妥靈汝嘉不致避
其責曩嘗去此彌年若有所負尚安得以罷輟自恕復累後
人乎他日或克就緒願與諸君落之於是謀諸僚吏搜故府
得遺材逾千枚取贏貲以給其費鳩工於堂室廊序門墻垣
訖功民不與知像設禮器百具修至於室廊序門墻垣
牆皆一新之無復兵火凋殘之象既而公求去甚力士夫德
公之賜陰圖挽之者計百出不竊有述焉夫學之久嘗從公庶
下壯其閣偉律徊不能去而竊有述焉夫學之久嘗從公庶
作最天下大患當承平無事法令具備上下恬嬉往負材
抱藝之流欲自設施亦無因以見若艱難多故雖賢智馳騫
猶日不暇給倘復一切苟且則類因廢弛無所不至矣迂濶
家兵興之後不加省廟學僅有之類因廢弛無所不至矣迂濶
不急之務漫不加省廟學僅有之類因廢弛無所不至矣迂濶
蓋嘗深鄙之去年夏六月有胡憲事者猶縮手畏避不敢為
江淮之衝遂起公琳館以鎮撫之且修文正范公安定胡先
以學校為急除舊起廢以勸祀典且修文正范公安定胡先
生二祠以為邦人之勸公之用意至到如此可謂知所先矣
此役也雖未足以窺公規畫一二然使為師帥者率以是為
務吾知其有廢皆舉何事不濟哉故敘其實以告來者且系

之以詩曰巍巍夫子道侔天地久而彌光於今奉祀中原雲
 擾俎豆靡餘旁風上雨似窘厥居兩楹之奠鮮克中禮弗恭
 弗蠲吾道是恥玩歲惕日孰為經營奕奕斯廟非公莫成神
 榘孔嚴遂還舊觀我儒冠載瞻承歎維昔僖公實修泮宮
 千載相望蔚其高風猗歟茲舉能使吳重我作此詩以繼魯
 頌紹興十一年辛酉四月朔旦鄭億年重修平江府學記
 上之紹興十四年春二月詔以工部侍郎王公暎為寶文閣
 直學士出守平江既至吏以令白請謁先聖公暎為寶文閣
 再三咨嗟歎息曰大學不可廢於時而士不可以不學其來
 久矣傳曰家有塾黨有庠遂有廢於序國有學此三代之制也
 世之所取法焉今燕廢不洽如此使吏民無所瞻仰如因陋
 就簡漫不加飭殆守土者之罪也暎實懼焉其敢以不敏陋
 於改作於是闢而葺之講誦有堂不告勞民不知役而顯敞
 有所經始於四月落成於九月吏田數十畝以益其用度
 宏餼糧常不諸郡且將請於朝給公田數百畝以益其用度
 使餼糧常不諸郡且將請於朝給公田數百畝以益其用度
 於兵革民不得休息揆自獨志惇好鄰壤而邊鄙不聳干戈
 載戢乃即駐蹕之地肇建太學令有司討論三舍取士之制
 萬幾之暇親御翰墨書孝經周易詩書刻之堅珉頒諸郡國
 所以寵綏學耆甚厚郡太守有能不應俟志者幾希其人哉

學舊在府治西南隅景祐中文正仲淹所建蓋熙朝極盛之
 時也仁宗方垂拱而視天民之阜獨以學校為先務而文正
 范公入輔出藩勳德並隆為世宗工望重天下其所創立後
 之人其可忽諸逮今百有餘年矣休德且懋建中興之治增
 光祖烈寶學公曠精白一意以承休德且懋建中興之治增
 為鼎新學宮物議歸重士之意以承休德且懋建中興之治增
 勉勵期於有成金玉其相追琢其章以□□而無世彼頑鈍
 無恥集詬亡節者曾不得容跡於其間使天下後世謂姑蘇
 為多士豈不美歟洪邁平江府學御書閣記若稽古高宗
 皇帝實天生德既以聰明聖武敷濟多難垂中興億萬年之
 基洎保大定功投戈息馬於世紛萬殊泊乎無一嗜玩唯翰
 墨涖域天縱神與特致志願心不食息淵妙沈著顧章直可
 鍾繇所擅正書中取威定霸高處視古無上帝中第一殆隘
 麼不足言義獻諸庾固以望洋效避矧唐虞褚薛輩直可
 臺輿命也詩書易春秋孝經論語孟軻氏凡幾書凡幾帙
 吠凡幾字一肆筆而成翫鳳鸞震蕩輝赫端正嚴重肅
 如神明當是時每終一經輒詔玉冊官摹刻徧以一遇大聖而
 方夏光天之內蓋羣戴其書昔人謂萬世之下一遇大聖而
 知其解者是為旦暮之遇况乎親見帝王以爲之師恩斯勤
 斯士宜如何報也妥奉當在類宮蘇為吳盛府故有六經閣

殿於兵紹興中守臣竇文閣學士王曠始改建學室宇宏倚
夸雄他邦閣未克立而皮置石經於大成殿因陋就寡瓜華
鄉火之敬弗答弗涓揆於祗瞻殊甚不稱寥寥向四紀郡博
士領諸生數有請二千石亦數留意然畫靡堅定會其凡輕
中止更數十政訖莫之能為高熙十四年秘閣修撰趙彥操
至平易中和敏絜蒞業用善教得民蘇比比多事且去天咫
南了亭傳為先務樸邀馬廐星而人民瘼不暇問尚安以
趣化勸功為我彥操纔旬月久非能滋民使多浚財使豐辟
士使廣而千為一且郭如仙晨道院於是以一閣之任自
予即舊址度為三楹兩翼三其檐為高六十尺為廣七十有
五尺材木以壯買瓦石以願市上以募來發公帑贏儲千萬
給費相以資錢二十七月壬戌命日須於我乎取慮卜於素五
縣乃不知去年秋七月壬戌命日須於我乎取慮卜於素五
之宮若輩從天外人駭觀迎立如植彥操寫其製以告當
塗守邁使識本末臣恭惟西箱清穆敞閑之處至尊壽皇帝
奉先追孝方勤審煥建官列職燕宸奎之昭同上模紫清
一時臣子宜有以效尺寸彥操羽儀宗支嘗典正京邑參侍
從茲息輔藩首能擴尊君親上然後興學之誼鳩此巨役章
表顯休僉謂當刊表樂石以詩不朽其詞曰故吳所都上直

學校

十三

斗牛今為畿輔氣壓百州沈沈學宮鼎以傑閣爛其天光照
我海岳倬哉高皇肆筆成書石經百卷方國是儲岩堯干雲
鞏右翼左趨惟爾有神實主張是時節來朝敬於萬禩高熙
十四年五月惟爾有神實主張是時節來朝敬於萬禩高熙
有田為豪右隱占久君修學記潛同里江君泰亨教授吳學
聞於相國迄歸田且得所負積賦為錢三百五十萬有奇君
曰有田矣不患無以養也養積賦為錢三百五十萬有奇君
日頽月圯遂捐錢有萬金與權常守林公介佐以他錢五十萬
後來者刑獄使者王公與權常守林公介佐以他錢五十萬
壽朋皆相繼金粟益衍用不匱什興僵立若膏腐新悉
就調理舊為屋七百五十獨童而習者教毓未備迺別啟一齋
若業武游學於各次獨童而習者教毓未備迺別啟一齋
曰小學哉工於紹定戊子冬十習者教毓未備迺別啟一齋
是吳學益奠然甲東南矣失物圍於數者有不成者毀天地
日月宇宙江山不能逃焉而所以扶持於不壞者久必壞壞
彼大者固已如此矣況小乎故新而久必敝敝而久必壞壞
而久必泯學基堂於文正范公父子中更南渡歷紹興乾
道至淳熙涉賢守數人經時數十載始大備而其積累艱難
亦可喟息矣能及其敝而未壞壞而未泯疾起而扶持舉斯

加彼察乎天地日月宇宙江山所以不壞不滅者斯豈不足
 以盡人道而宏教法哉諸生朝游而夕息景行先詰睹文正
 容貌而企慕其為人其未仕也必如文正刻苦自厲以六經
 為師文章論說一本仁義而後可其既仕也必如文正有是
 非無利害與上官往復論辨不以官職輕人性命而後可其
 仕而通顯也必如文正至誠計國終始不渝天下聞風夷狄
 委命而後可誠如是矣則不負今相國今部刺史守相今郡
 文學所以幸惠爾學者庶幾潛言抑有述焉季起高祐修
 學記起自少時游鄉學凡堅所紀長老所傳蓋嘗聞之矣
 若曰某所某侯所創也某所某侯所紀也吾鄉學宮甲於浙
 右儀門正殿授經之室若直廬若廊廡莫不雉深巨麗前者
 規後者隨殆非一人一日之力起甲戌歲入太學去昔歲修
 之地日疏又十餘年宦游南北有客自吳來者僉謂頽圯日
 甚私竊有憂憂不特為學教惜也太守為民師帥非惟富之
 庶之又從而教之中吳號為郡今貧矣民貧而官亦貧取
 之錙銖用之泥沙調度不足凜凜是虞方從事於簿書期會
 不暇而暇治禮義哉朝奎暮鹽僅循故事毀墉傾屋委而
 不葺心非固然力不逮也貳卿方泉魏公來守二年疏別舊
 敞而作新之民不益賦官有餘用倉盈帑羨取之不匱缺者
 補廢者興畚石以築隄塘度材以新樓觀架虹梁造倉庾前

所欲為者今亟為之郡博士何德新因以修學為請侯欣然
 諾曰是吾志也即捐五萬緡就命主其事又簡幕僚以董斯
 役於是樑棟榱桷之腐黑撓折者蓋瓦級輒之漏壞者窗牖
 之朽蝨者牆壁之漫漶不治者復壯如新益修舊觀為屋二
 百一十三間始於淳祐六年二月越四月而訖工士之職於
 學者相率以告日子盍為吾邦記之起夙預教育與諸生同
 一憂喜今治其昔所未治者前日之憂轉而為喜矣烏乎不
 書雖然歌魯頌讀漢循吏傳修僖公文翁故事太守責也上
 知所以修學下知所以修身其責各有在也思古人吾鄉初
 建學者范文正公也首主學者胡安定先生也學者當思文
 正公窮達之踐履又思安定先生講學之事業日漸月摩悉
 為道德誠明之歸毋為稀章繪旬登場覓舉而已充其所養
 庶毋負賢侯修學之意侯姓魏名峻四明人也元柳貫修
 學記吳郡有學起范文正公而學有教法起胡安定先生當
 是時天下固未有學洎教事者以禮聘不以選授學非常有
 則甚重矣其後文正公條上天章閣十事仁宗慨然命天下
 郡縣皆立學又取安定學法為太學法學教因著為令至於
 今不廢其端蓋自文正發之而吳郡實為之權輿焉吳大邦
 也生齒之夥賦入之饒視他郡或相倍徒朝廷常選重臣為
 之司牧其任弊獄訟詰憲禁慎簡稽時貢輸疲心力於簿書

期會開日恐弗給非才敏用裕者尚安有餘智及於學哉故
 觀學墩之廢舉而知郡政之弛張於吳為尤切矣乃至治二
 年冬彭城錢侯光弼自大梁移牧斯郡至之三日以故事修
 禮於先聖先師顯瞻堂庭荒蕪弗治退即教授趙晉之問其
 故晉之曰比歲吳田敗於水廩粟之入不贏二三欲興土木
 其將疇資公能責其逋租而視其不可緩者完葺之學得不
 毀而功則有繼侯曰然為擇謹敏吏鈎校計簿而督其當輸
 不輸者得中統鈔五千餘緡復曰以是濟弊不猶愈於己乎
 既撤仰高采芹二亭而一新之乃相禮殿倫堂門廡齋館尊
 經閣先賢祠易撓腐為堅良化刻缺為麗密而以其餘築垣
 塘維一千五百尺侯曰此如痿廢之人形稍立矣使天幸賜
 稔吾當嗣為之明年歲則小熟侯益新□□首議以倫堂
 西間屋曰成德堂者改祠先賢一瓦一椽皆革其敝故而為
 新美趨廊繞如觚棟鞏如制難完舊而功則倍於經始又謂
 靈星門實備臬應之制宜高抗而不宜庠陋掄材庀工重作
 三門六扉以壯禮容塗墍聖腹擇於度而止凡所經營必諦
 必審圖為可久毋邀速成厥既僦工釋菜於先賢卒徹鴈客
 貫時與在賓席學之師生揖貫言曰自侯之至歲屬薦飢輶
 傳沓來符檄叢委人謂侯將爬梳綜理之不暇而暇加意於
 學侯則不然凡所以惠綏吾學者愈於整暇之時今考成有

薦薦已有宴予實執爵以酬幸為我著之以示方來嗟乎不
 可必者天之時而可以必致者人之才時苟不偶則挾強忍
 之力濟通敏之才亦何事之不立而何為之不咸方庚午辛
 未閒吳中道殫相枕藉大家巨室困於征須而邱民之能自
 拔於溝瘠者百無二三侯之授節南來適承其餘此何時哉
 侯既殫慮畢智為之勞袞安輯而天終佑民克相有秋吾黨
 之士言觀魯侯之旂樂飲在泮之酒□□學政而知其屈於
 時以時為所欲為者才敏則用裕廢者可舉弛者可張才豈
 能倖致之哉吳故禮義之區自泰伯逃荒端委以治周禮而
 教始立子游北學聖門因文學以得聖人之體而教滋以
 章下逮文正去之千有餘年立朝大節光明俊偉先憂後樂
 終始是心守郡而建鄉學立師而得安定知孫明復張子厚
 之賢而開之以學問文正之學聖人之學也然則濬吳學之
 淵源鼓士氣之橐籥而使之強於為善者侯之志也是可沒
 而無傳哉因并識之以論多士
 正十九年冬平江路總管周侯擢拜江浙省左右司郎中
 吳士羣請於廟堂不獲命退而謁於遂昌鄭元祐曰昔范文
 正公在宋仁宗朝參知政事首以興學取士開導人主於是
 仁宗首詔天下興學敦若蘇州公父母邦也公來守郡郡奏
 請立學得南園之異隅以為學宮今郡學是已元祐間公之

子純禮過家上冢復以南園地廣學宮卒父志也方公之建
吳學延安定胡先生為學者師繼此郡縣皆有學而吳固為
稱首兀尤過吳學殿宋既南渡守臣相繼吳學復完暨內附
其悉力以興學養士者資德大夫中書左丞浙西道宣慰使
游公顯也提兵破杭後淮安忠武王入覲委公以勞來安集
由是浙以西學宮獲完士籍不廢儒紳復存其學田匿於豪
右公盡復歸之故德公者成勅石紀美至於今賴焉至正丙
申歲平章張公統兵入吳適春丁即命官以祭躬謁聖師陞
堂聽講屬郡守吳陵周侯安完學數蒐延儒術時兵甲充斥
民氣素然侯抑按暴強裁以軍律今日中吳士民獲完者侯
恩實深會戎旅方張或請括學田以助軍食侯懇懇建言毀
學坑儒秦政亡不旋踵為今之計須用才賢以綏靖禍亂詎
可蹈秦覆轍以奪其實邪遇稍暇侯以俸金設饌躬起行酒
勉勞傲勸朔望廟講論思率以為常學宮垣牆圯而復
新月廩恆自散給是侯於學校無愧昔人多矣弗寧唯是故
事承平時官有僚人站戶兵興中廢侯請以田畝輸斗米助
官民以為便吳城築土善崩役民修城終歲不甦休侯請給
公帑命僧領其役軍駐泊宜有營寨然皆分占民居侯以為
縱不能如趙雲之安民於蜀亦豈宜以有限之屋共無窮之
求於是侯即城隅構屋分命士卒居之侯為吳東際海非有

絕險以為之限宜如古制寓兵於農使互相團結庶可戰可
耕泰伯於吳建邦啟土而其廟毀於兵侯逐兵出廟重加完
葺侯於敷政知所先後槩若此願為記之元祐按昔漢任延
為會稽都尉便能祠延陵季子禮聘嚴子陵龍邱萇史稱其
為循吏何敬容於蕭梁時守吳郡勤恤民隱聽訟如神至是
人稱任何較之侯二十有不得專美於前矣吳學之興始於
范文正公江南內附復興於游資德今吳學獲完而不墜則
又惟我吳陵周侯侯名仁字義卿宣授大中大夫仍兼管內
勸農防禦知集堰事夫侯之興學自宜播之大夫仍兼管內
若其政治之美而學數亦得以論列者蓋學教議政而樂稱
人之善此士論之至公而匪以私於侯也異時國史考功紀
事如游宣慰章章在前周侯行私於侯也與相先後此豈平
勒石頌美可得同年而語也哉至正二十一年三月既望立
石頌宋濂修學碑蒲斯魏公守姑蘇之明年鉏暴樹良德
緩化孚上下洽和百廢具興惟孔子廟學顛危弗洽公願瞻
良久喟然而歎曰皇帝大興文教詔頒明經六藝諸科嘉惠
多士將以人文化成天下今敝陋至是非所以靈承帝意公
即捐俸為倡唯興修是圖其僚屬與郡之人士驩然而趨功
以廟言之穹殿修廊做以靈星之門以學言之倫堂中居兩
廡相嚮挾以六齋以達於前門至善之堂尊經之閣又巍然

而舜其後向也棟撓級夷黜昧而無輝今焉丹腹炳煥簷牙
而翬飛已而泮池有梁采芹有亭先賢有祠亦皆次第就緒
而公拜蜀省參政之命將之官有旨還守姑蘇民大欣慶公
復命補其繕壙四十八百尺有奇唯廟學之前乃吳江甯開
之園局於封畛燧迫殊甚至是從化盡以其地六百尺入於
學宮始獲闢門於前用正地勢內歷洗馬來秀二池架梁以
通往來外臨康莊左右有坊曰狀元曰畫錦其嘉名符契若
有開必先者閣後之地奪於比鄰公察知其奸權官書以為
證比鄰詞服其地乃歸又懼遠而或溼也遂圖廟學四疆勒
石志之始事於洪武六年正月甲子訖功於十一月較之承
平舊觀或有過無不及焉公帥其屬執豆籩具脯醢以成功
告觀者莫不嗟歎自兵興以來學敦所在蹂踐為墟而姑蘇
幸僅存非公之至幾何不與之俱廢乎故授貢類之既宣力
始終復使訓導張田請記其事以垂不朽惟蘇之有學實始
於范文正公蓋公景祐初出守郡郡遴擇南園請於朝而建
焉為其師者則安定胡文昭公也計當時人物固嘗盛矣數
百歲之下仰其聲光慕其風烈每使人發不可企及之歎自
時厥後雖守有賢愚學之興廢靡常二公過化之地流風遺
俗終未泯也况今遭逢有道之朝得良二千石為之師帥豈
徒然哉然公興學之志不下范公者也則夫坐皋比而談經

藝者其必將取法於文昭乎明體適用之學吾知駸駸然嚮
盛在家則孝於親出仕則忠於君而無負公作興之意苟不
知務此摘英萃華而為譁世取寵之具非區區所敢聞請以
是刻之麗牲之碑蘇之人士庶幾知自勛哉公名觀字杞山
碑為修學作前代興造各自有記皆不書系之以詩曰姑蘇
之墟有川澗泥折趨南園匯來東流靈氛中啟煥爛弗收自
非聖師疇協其休昔有哲人出綰郡章乃構學宮乃建廟堂
廟堂章章學宮將將粉佩洋洋來翔來翔盛衰相因揆理則
然風摧雨蝕上漏旁穿矧丁艱虞烽火相連誰一舉臂持危
扶顛大明當天九服依同儂滄斂翳奎壁吐芒眷我魏公來
蒞大邦屢形於言我敢急進既率部封復登府僚分勞授事
具乃教條曾不一期厥功孔昭化此朽腐鬱為峇鏡孰敦化
原孰築教基孰牖民彝匪學曷為我語蘇人公豈爾私耳日
苟具必致其思思之如何法孝與忠二者無愧行將天通震
澤有石其堅比銅史官勒辭用昭無終王彝新建南門記
惟蘇州學肇基於范文正公父子學之左別有廟而靈星門
南不數步即畫於鄰垣於是旁趨東偏以為門而地勢鬱塞
大不稱蓋鄰垣之地廣袤若干畝在宋為錢氏園及元而業
更甯氏先為郡者屢欲拓之然不可以力得至正間郡守
六十公乃以學廩之羨買其地於甯開得其三之一暨入國

蘇州府志卷之二十一
廟前國子祭酒魏公以正學碩德出守茲土政修令行大修
廟學而宏博壯麗實踰舊貫未幾開悅公化盡以其地歸焉
公因命教授貢穎之繪圖而經營之郡人士願出私錢以助
乃通道自靈星門以極於南城之塗凡若干丈故有洗馬池
適當其前又有狀元書錦兩坊適拱左右遂表文廟之道於
洗馬池南而架梁以入其道南北之半故又有假山之陰
有池曰來秀其水自太湖入南城北之池注之來秀自來秀南
流則匯之洗馬而止其北流則歸學之泮池而止又即來秀
池南闢假山遺址為門以正南面焉至是而廟也學也出入
之道殊矣故入其門以循池之東以趨於廟出其門則折而
西又折而北為梁渠上者再以達泮池之梁始趨於學示神
人之不可雜也方廟學告成翰林侍講學士金華宋公既為
之記穎之為此一役也范公所未得為而魏公乃得為之
始終幾三百年而廟學大備有不可不特書者爰以狀使彝
地始終俾刻焉至如孔子之道萬世遵行者孰不知之茲不
敢勦說而瀆言之也門之新作在洪武六年正月甲子至十
月丙申落成糜錢若干役工若干魏公名觀字杞山湖廣蒲
坊人世之學者皆稱之曰蒲圻先生云 金幼孜重修蘇州
府廟學記蘇為東南郡會學教人材實為諸郡先昔宋景祐

開范文正公仲淹請於朝始建先聖廟學於吳蓋割錢氏南
園之地而為之者也往其三百餘禩存歷兵燹屢興屢廢而
比年以來其學舍文廟傾圯漸不可支永樂甲辰秋臨江陳
孟浩來典教是郡顧而歎曰學教風化之本乃不振若此其
何以稱崇仰乃力贊其成為監察御史李立按治吳中孟浩
以其事白之乃浩復與訓導馬壽錢紳韓陽各捐已俸以爲
穀而協助焉孟浩復與訓導馬壽錢紳韓陽各捐已俸以爲
之倡於是鳩工庀材首新大成殿增飾塑像次新明倫堂旁
飾齋廡室廬次及池橋亭檻階比垣墉靡不繕完是役也工
不勞民費不官而歸然更新於一旦之頃往來者但視其
成而不知其所以成也孟浩請於一且之頃往來者但視其
言曰學所以明人倫孟浩請於一且之頃往來者但視其
士游於其間其理則仁義禮智其器則君臣父子夫婦長幼
朋友其文則易詩書春秋禮樂若其者豈徒託之空言蓋欲
明其道以充其性密察於秋禮樂若其者豈徒託之空言蓋欲
洽擴充而極於廣此則學之要而所以成已成物者不
外是矣吳素稱禮義之鄉宗工鉅儒後先相望他未暇論有
若吾文正公之清修博雅文章事業光明俊偉至今爲天下
後世重士生於斯游於斯必取法於公無眩於邪說無奪於
利誘充其內以達夫外他日出而臨民則思爲良吏立朝則

思為名臣真履實踐以求無負於所學無愧於先達則吾孟
 浩所以奉率於斯文者豈空言而已哉因悉記其事并書其
 說如此俾歸而刻諸石且以示後之典教事者尚思自勉以
 繼於無窮焉是為記宣德五年三月吉日全直蘇州府重
 修儒學記國家稽古定制建學立師以陶鑄天下之英才使
 各成一器而天子垂拱於上以收平治之功其義遠矣人生
 顯蒙方其幼也苟無禮義以漸摩之逮氣沖血盛慾實潛開
 鮮不傷倫而敗度先賢之為政者緩於刑戮而急於教養良
 有以也蘇為東南大郡士民繁家不冠而戶弦誦泰伯批
 讓之風儼存然性頗輕脫閒好爭訟亦有夫差之遺意焉苟
 非學教之南可一里許舊傳為錢氏南園文正范公購得其地
 而創之歷年既久雖履營繕卒未愜大方之觀今太守四
 明姚侯下車以來政化大成毅然以修舉廢墜為已任視象
 三日敬謁夫子之廟而拜之文及四配十哲兩廡諸賢見
 其神像敬側柱礎傾斜至有不蔽風日者慨然歎曰為郡者
 之責也亟欲一新因白巡撫都憲萬安劉公巡按侍御南郡
 袁公咸聽其言或曰年歲未豐人尚缺食驟興土木之工第
 恐事未成而憂先至也侯曰不然吾上不窺府藏之蓄下不
 庸科斂之財以義制事而身先之胡為不可況此名邦豈無

二仗義者而副我乎於是首出俸資若干為眾人勸既而
 聞者四起爭先投刺惟恐居後因命訓導周謐以董之斧者
 錕者髡者塗者不期年闕厥功告成大成殿明倫堂兩廡四
 齋尊經閣至善毓賢二堂道山觀德二亭靈星門學門儀門
 罔不修治復綵飾聖賢及歷代諸儒神像築杏壇一區立狀
 元解元二坊皆親書其扁徽文正二祠移諸爽閣見者
 駭愕郡之菁艾私相謂曰吏不驚而民無擾何成功之若是
 也教授臨川黎擴與予有鄰郡之誼走書謁文以紀其事予
 自謝病南歸久疏筆研固辭之而不可乃勉為言唐虞之世
 比屋可封無他教之至也三代以降雖沿革不同其文獻猶
 有可觀者自秦罷侯置守為吏者止知簿書敲朴而已尚何
 暇以歌青衿采芹平侯之事此為度越前人遠矣侯名堂字
 容由名進士拜冬官主事陞郎中出知廣信累著能聲因丁
 內艱蘇守告闕都憲崔公時巡撫江南每難其人方會議京
 師間侯服闋力請於天官察平而假之眾論稱屈崔公曰屈
 之者所以伸之也不過盤錯利器何甄茲而果能稱其言而
 光闡之下趨眾向顯揚名教激厲風俗雖文翁造蜀豈是過
 哉吾知蘇之人材從此必倍蓰矣他日棟明堂器清廟楫大
 川必有勝其任者則侯之功豈可泯乎因書以告來者天順
 五年十月吉日黎擴重修道山亭記蘇為南圻大郡其學

制之雄麗池圃之幽邃尤為江南諸學之冠尊經閣之西數
步有小邱焉隆然而起高約四五丈廣約畝有畸名之曰道
山山之前後有大池意其初因鑿池累土而成第莫知其的
於何時也繞山上城內外之景也國朝宣德間南昌況公鍾
其顛可以盡得一亭於上四隅之柱以石四面之總以能深廣
受救知蘇始作亭於上四隅之柱以石四面之總以能深廣
各二十尺崇比廣而減四之一焉內壁嵌古文碑刻翼然奇
偉之觀雖更數守於勤業之際得為游息之所後將三十年亭日
就壞雖更數守於勤業之際得為游息之所後將三十年亭日
上命來守是邦益學勸課之餘乃於登斯亭俯仰低徊徐而歎
曰前人之蹟可坐視其廢別有餘益於師生紉勞瘁者乎於
是捐已俸市羣材易腐以堅補缺以完加以藻繪題以華扁
既訖厥功煥乎其改觀矣公與二宮佛利相簇於其上第見天
光雲影相蕩於上下官府民居仙三僚屬登於其上第見天
眾曰是澤之幽且迥者莫不盡在平目睫間矣公欣然以謂
仲淹捨所得錢氏南園之地而建然文正之素志在於先後
天下憂樂之言而我姚公生於數百載之下慕得典文正之
言見諸實行而肯託之空言哉且前此數歲水旱相仍饑饉

薦臻蘇民之心鮮遂公雖欲修斯亭覽斯景以樂斯樂不可
得也幸今聖天子在上斂福錫民年穀豐登民生大遂公安
得不修於斯覽於斯以同乎蘇民之樂也且公之樂於斯者
已之樂也蓋得之以同乎蘇民之樂也且公之樂於斯者
又何戾於文正之所言者邪嗚呼地因人顯名以事傳而今
而後滌之豐樂岐之所言者邪嗚呼地因人顯名以事傳而今
鏡諸石俾蘇之後人得有所考亦有所思於魏國范文正公
吉且寬修學記蘇有學於城南實創於魏國范文正公
更五百年來所以修葺而開拓者惟賢守是賴至於今日規
模益壯天下之言學者莫過之故四方賢士大夫之道郡中
以一游其地為快然猶病文廟與學之弗稱也蓋其制作非
特視學為陋歲久且敝爾乃成神化壬辰郡陽邱侯霽來知府
事政既克舉境內悉治歎曰事神吾職也如文廟敝應孰
任其過然吾未敢專也乃請於巡撫都御史洛陽畢公公從
之則計財度工擇日而從星門南與殿直以甲午三月興
工垂完而侯報政於京遂去任矣其年蠡吾劉侯瑀自監察
御史起擢來代政治益善視此舉非得已而前功所當繼也
未幾殿與門竟成既而若雨庶若戰門若神廚皆以次改作
崇庫廣隘悉合程度言言潭潭迥異舊觀而廟與學始稱矣

他日以教授林君智輩合言於寬以二侯之功不可泯者願記
 之而人復為萬世之下被其膏澤者豈區區土木所能報其功
 耶而人復為萬世之下被其膏澤者豈區區土木所能報其功
 比歲儒臣建請有欲加以尊爵者廷竟從其請行於天下惟所
 亦謂此不足為孔子輕重而朝廷竟從其請行於天下惟所
 以尊崇之者無所不致其極也詔下為丙申之秋適功告成
 及丁祭之期雖豆既陳份舞斯列而棟宇深廣足以有容觀
 禮者美之雖然樂奏於斯致尊崇於斯固所以申其報本之私
 哉夫禮行於斯樂奏於斯致尊崇於斯固所以申其報本之私
 若夫瞻拜之頃廟貌尊嚴洋洋乎如在其上如在其左右豈
 無溢然興其希賢希聖之心乎且是廟之作凡以事神也惟
 若二侯之相濟彼此無嫌於治也與寬陋而書之諸生也於
 夫前後之相濟彼此無嫌於治也與寬陋而書之諸生也於
 此道無能為役因諸君之請敢忘其淺陋而書之諸生也於
 二侯無能為役因諸君之請敢忘其淺陋而書之諸生也於
 街之東凡出入於學者必涉街以行邱侯以神人之分當嚴
 也顧旁近多居民既喻其意皆樂徙去乃徙其門於靈星
 之西更為門於泮池之北以達於廟然後廟左學右截然以
 正後有賢守以廟學為事者其尚修之莫之以無隳其成功

也哉 至鑿修學記蘇學於天下為第一有深廣鉅麗之稱
 而比年乃若弛壞予聞過之則頽垣欹榭圯城晉沼所謂尊
 經閣者殆將壓焉過者睨而弗敢登甚者飼馬於軒樵蘇於
 圃日以就廢惡視所謂鉅麗者哉守土者非不知學教之為
 重顧以公私殫耗何敢議焉歲時視學曹然為弗知學教之
 則喟然歎曰昔聞蘇學之盛今若此不即是維風化之選厥
 登孫君樂時以御史按察中亦曰是維風化之選厥使經畫
 百凡之費我其任之金華徐侯讚適知府事選厥使經畫
 指授必慎必精且捐金以依其費期年予復過之則其垣巧
 以峻其塗譬以夷其池登以泮凡大成殿尊經閣明倫毓賢
 堂先賢祠皆巍然巖然餘若杏壇射圃會膳之舍游息之所
 道山嘉會諸亭橋梁門無不煥然圭潔復於舊觀諸士欣
 欣和會相率來言曰昔魯僖公修泮宮詩頌其美漢文翁興
 蜀學史載其蹟蘇學之廢且久一修泮宮詩頌其美漢文翁興
 樂其成則向所謂時不可為者其然乎不有紀載奚示來世
 予惟斯學之廢三君子既起而新之學政之廢其亦新之以
 復於古乎三代之所以為教與學者其可知已患在知之不
 能絲絲之心自近始故曰學莫便乎近其人蘇學之創建自
 宋范文正而胡安定實始教焉其流風餘韻尚有存者繼今

教於斯者其必曰安定之遺吾敢曠厥職學於斯者其必曰
 文正之遺吾敢惰厥學風化不變後人才蜩興他日出而為世
 用稽古愛民有若安定者乎先憂後樂有若文正者乎斯無
 負國家化育之典實二君子作興之意也故述以告 申時
 行重修儒學記上在有三子十禮詔禮官申功令迪譽髦於
 是大宗伯言國家養士於學肆以經術而賓興之歲得惇明
 醇懿方正博聞之士展采宣力以宏太平頃士習頗辟相凌
 以恣睢相矜以怪誕舍大經傳註聖祖刊定諸書不觀而旁
 撫釋老浮淫詭譎之談以簧鼓俗流嗜於榮進臣以爲非聖
 無法宜一切禁治諸不以六籍者毋著於篇非孔孟微言毋
 出於口有不知制者以可差次黜罰務明道術正人心以稱聖
 朝養士作人之意制曰可差次黜罰務明道術正人心以稱聖
 督學使者所在長吏悉以詔令從事於是海內咸知祗濯砥
 礪趨然振興於學而見時巡撫中丞曹公時聘巡按御史何
 君熊祥適蒞事吾蘇觀學宮之內不治則慨然曰吳故以文學
 稱翹楚而學宮亦鉅麗甲海內乃今廢壞若是乎且詔書攷
 茲興學而令操縵鼓篋藏修游息之地弗稱則眾庶何觀一
 茲土者有餘責矣乃謀諸備兵按察使鄒君墀郡守周侯一
 梧定議修飾於是督學御史趙君之翰巡按御史馬君從聘
 巡江御史朱君吾弼咸有捐助而戶部主事洪君世允林君

欲棟以關說之羨佐之周侯乃鳩工庀材涓辰蒞役簡者民
 有行義者使掌財賄屬吏之廉能者使課工作自文廟及明
 倫堂及尊經閣重門列廡祠宇齋廬碑亭射圃周垣綽楔暨
 諸祭器樂器腐者易之敝者飾之廢缺者補黜堊丹漆茲復
 其故工始萬曆壬寅五月十七日訖癸卯三月一日閱十有
 一月而告成於見周侯及博士董槐等來請記維學教之設
 自三代以來載籍可鏡矣然古之人成材易而今獨難何也古
 之取士也博而爲教也詳凡司徒所選司馬所辨論以德進
 以事舉以言揚不名一業而禮樂之肄於學者訓以六德齊以
 六行墳典邱索之悉探而志不他趨嚮不詭於正出入不悖所
 習之長而安焉其耳目心志不他而趨嚮不詭於正出入不悖所
 國致用彬而可觀也今制登士以文藝士惟習誦入不悖所
 其取之也狹而教之者亦簡矣然能守其緒論惟聖祖成憲是
 聞考求洙泗之淵源而主濂洛關閩之緒論惟聖祖成憲是
 式惟先民是則而後其所成就其不若古人乃一變而浮
 靡其弊也刻素而雕朴再變而奇詭其不若古人乃一變而浮
 體壞移之士習士習壞移之世道吁可懼哉今天子側席文
 俊寤寐興理三事大夫務將明德意而保釐觀察之臣旬宣
 之吏咸以明教訓俗陶育人材爲急首舉學宮而一新之其
 嘉惠髦士亦勤且渥矣士邁斯時履斯地周視宮牆願瞻棟

宇肅然如見聖儼然知親師必且畏城闕之譏而慕薪燠之
化此亦士還淳反正咸與維新之會也士慎之哉文追古雅
行歸矩矱毋侮聖言毋格詔令毋負監司郡守所以嘉惠之
盛心使吳士之翹楚與學宮之鉅麗永永為海內稱首是惟
朝家之光榮國之幸士慎之哉國朝湯斌修學記康熙二
十三年歲在甲子車駕至蘇州天子以治定功成行古巡狩之禮
冬十月聖廟拜獻之儀視前代有加親灑宸翰題其廟額
祭先聖廟下修葺學宮頌賜御書海內蒸蒸罔不從
父斌時奉天下命撫吳祇謁廟學見殿廡門垣日就頽弛
明倫堂岌岌欲傾慮無以仰承聖天子興學重道之
意受事方新未遑興作明年二月燭倅倡始藩臬庶僚飭材
鳩工電勉襄事宋棟榭櫺久廢者興之締構堅貞典制具備
漫漶者新之祠齋庖庫之久廢者興之種植千本閱十月而訖
工於是躬率僚屬行釋菜禮定期講學於堂諸生執經問業
遠近咸集又明年三月斌奉輔導學東宮之命瀕
行進諸生而告之曰此地自范文正公建學胡安定立教於
今六百餘年矣名卿巨儒項背相望諸生肄業於斯其所以
紹述先哲仰答天子作人雅意者果安在乎國家興治化在

正人心而正人心在崇經術漢儒專門名家師說相承當詩
書煨燼之餘儀文度數之目刪定傳授之旨猶十一於千百
且其時選舉不以詞章通經學古之士皆得上聞朝廷定大
議斷大疑博士據經以對故其時士大夫勇於自立無苟簡
之心孝弟廉謹之行更衰亂而不變此重經術之效也其後
虛無寂滅之說盛行聲律駢儷之習工而經學荒矣宋濂洛關
閩諸大儒出闡天人性道之源流故天下知性不外乎仁義
禮智而虛無寂滅非六經之精微而外乎孟子之絕學又豈漢
非道也所謂得六經之精微而外乎孟子之絕學又豈漢以後
諸儒所可及歟宋史道學儒林蓋為二傳蓋以周程張朱繼
往開來其師友淵源不可與諸儒等耳而道學經學自此分
矣夫所謂道學外更不傳之旨體驗於心躬行而有得之
謂也非經書之外更不傳之旨體驗於心躬行而有得之
異端之所謂道也外更不傳之旨體驗於心躬行而有得之
泗而禍今蜀人心之所正也家柱史俗儒之所謂經也宗洙
以衰也今蜀人心之所正也家柱史俗儒之所謂經也宗洙
吾恐朝廷以實求而士子終以名應也苟無驚乎知所趨向矣
力於其實則亦日躬行而已矣故學者必先義利之辨謹誠
偽之關則富貴貧賤之非道不處不為枉尺直尋之顛沛
生死禍福之閒不可移易者必確然也毋為枉尺直尋之顛沛

毋作捷徑苟得之媒寧拙毋巧寧樸毋華寧方毋圓戒懼慎
 獨之功無時可閒子臣弟友之職不敢不勉不愧於大廷亦
 不愧於屋漏則發為議論自能息邪詎詖而鄉原楊墨之教
 不得其斯也出為政事自能尊王黜霸而管商申韓之政不
 施也其斯為真經學真道學也已否則剽竊浮華講論踐履
 析為二事即誦說先儒世道亦何賴乎當文正公時中庸猶
 雜戴記中公獨舉以授橫渠公之深於經學可知矣安定之
 教以經義為本當時太學取以爲法宋世人才之盛實基於
 此諸生爲鄉邦後進其亦有與起乎蘇郡人文之四方所則
 效也所以佐成聖朝之治者碑記三代之時先王所爲
 其言爲記宋肇重修蘇州府學碑記三代之時先王所爲
 治天下之大經大法無不出於學周官樂師掌國學之政
 以教國子小舞大胥春入夏舍采合舞秋頒學合聲又瞽宗
 秋學禮執禮者詔之則禮樂出於學可知以爲萬物教民而賓
 與之即成周取士之法而職之也官先儒以爲萬物教民而賓
 智愚轉於教也而其屬自郡大夫以至州長黨正族師各掌
 其鄉州黨族之政教禁令則政事出於學可知樂正舉不率
 教者以告王親視學不變移之遠方曰棘曰寄則刑亦係於
 學出征受成於學歸以訊馘告則兵亦係於學至於春秋菜
 莫與夫與賢論秀養老鄉射讀法諸事無論已故其時學校

之制大備其材之成可以備卿大夫士之選而其得人之盛
 迥非後世可及蓋有絲也遭秦滅學法以破礪更漢唐盛時
 迄未復古郡縣往往往廟祀孔子宋慶曆間始詔天下立學
 元泊明而規制漸備荒陬小邑莫不有學於虞盛已論者謂
 後世一切致治之具不必出於學而所謂學者屢習章句
 訓詁爲諸生梯榮之階以爲不應古法此非通論也先王至
 今二三十年其閒制度之沿革變通若存若亡者何可勝紀
 學校之設漸於養成人材以供一代之用無失先王立教之
 指而已矣必一以求合於古哉蘇郡有學考郡志始於宋
 景祐元年范文正仲淹守鄉郡因奏請立學延胡安定瑗主
 教事距今六百餘年蓋其廢興屢矣康熙二十有三年惟時
 海寓又安聲教翔洽而又適當上元甲子今天子稽
 古禮文舉宸翰輝燭宮牆又幸闕里躬祀先師
 飭治以稱廣厲至意時湯必撫江南實倡修之立碑記其
 事某奉命撫吳後五載康熙丙子是秋海多颶風
 霖潦霑溢學宮之地垣墮木仆殿廡欹圯棟橈雷摧墜顛
 璧駭剝割裂某周覽喟然曰是不葺且頽大懼無以廣教化
 稱於十月某日上旨乃亟蠲俸倡之藩使張君率寮屬佐之庀工
 於十月某日以十二月某日訖事穹殿修廊與夫櫺星之門

明倫之堂藏書之閣翬如翼如復厥舊觀其明年諸生請余
 文將鏡石繼湯公後按湯公所為記大指以道學經學不當
 歧而為二而舉范文正胡安定為師儒鵠其論美已某固陋
 奚容贅辭請即已及者申其說史稱文正諸生時即以天下
 為己任先憂後樂之言至今傳誦蓋文正之心大公之心也
 公所以立體者在是也日功名著於將相其用也士苟不以
 大為心則終身沒焉所營者一身之私利一家之私圖
 即苟且小有所就焉不足觀顧豈敢以文正德業事功槩責
 之諸生哉諸生第心文正之心焉可矣安定敦學蘇湖時方
 尚詞賦安定獨教以經義及時務曰經義齋者擇士疏通有
 器識者居之曰治事齋者人各治一事又兼一事如邊防水
 利之類其弟子出而筮仕往往適於世用於虛今之郡學猶
 古也諸生平有師文正之為學者苟卿所譏媮懦憚事無廉恥
 者則人才之盛何患不古若夫苟卿所譏媮懦憚事無廉恥
 而嗜飲食號子游氏之賤儒者度非師儒所即安且非湯公
 與某意也是役也費皆出於官經理其事者郡守某以下例
 得附書蔣恭棐蘇州府學重修道山亭浚池建橋記蘇郡
 學自末以來名天下以范文正公興之而慕公者常願為之
 後也其地為吳越錢氏南園之一隅有林木泉石之勝舊傳
 蘇子美嘗命十題朱伯原借其殘毀序而賦之仍首列泮池

而補泮山於其下泮山寶祐中因之為道山亭泮池水脈由
 玉帶河歷洗馬池折而入來秀橋以達於泮旋而西北為浴
 蓮池又東北為碧霞池環道山而北為春雨池迤而東為白
 石池環三江五湖之流東西交通以鍾美於是明初王汝玉
 八詠泮池道山來秀春雨之跡尚可睹也歷祀久遠山仆亭
 圯池壅闕止涸鬱而不宣學士恆病之傅侯椿來知府事之
 明年丙寅周覽鬻舍詳攷昔圖喟然有意振起請於署巡撫
 都院安公寧遂發疏玉帶河益植桂木新泮橋又明年重建
 洗馬橋增築道山復其亭濬諸池使暢流各循其故道通之
 以橋於春雨東南者二一東向曰起鳳一南向即眾芳橋遺
 址於浴蓮東南者一曰柳橋其年冬又拓紫陽書院之門鑿
 池其前引之入泮以出龍門今年春訖工然後在泮之泉流
 四達風氣完密精地勢而次第董其役者教授萬君卓之
 勞為多郡之人士聿觀厥成踴躍相告曰願有記也恭棐竊
 嘗聞魯頌之義矣僖公既成泮宮而詩人美之至於樂其芹
 是知學校之繫乎國家甚重而修廢舉墜之為不可以已也
 之夫人朝夕游焉而見夫仆者植圯者峙壅而涸者渙渙而
 悠悠耳目為之開明心慮為之迴易其不有勸乎傅侯以憲

副之節移駐海上茲其所稅憩不殊甘棠之遺愛而安公方
 觀之廟堂觀其車服禮器他日辰止於學無大無小瞻公之車
 旂色笑從公之教視前此宜有加焉乃刻辭於石以諗於來
 學之士而式後之為政者閱元重修蘇州府學起吳郡
 之學朔於宋景祐間至元祐而規制益拓自元迄明屢經修
 葺崇做壯偉為東南學校之首國士稽古右文崇重儒術
 而吳中人文甲於海內宮肄業之士射策大府駐節之所春秋
 舉首者後先相望也郡城為三吳都會大府駐節之所春秋
 釋奠俎豆孔虔廟貌崇飾罔敢不恪顧闕歲滋久棟宇朽蠹
 周垣傾圯尊經閣亦漸歛頽鄉賢名宦諸祠日以蕪廢失今
 不洽後費益繁予奉命撫吳每朔望禮周覽徘徊
 輒有興修之志會郡人汪君文琛述其先人遺志呈請獨任
 其事乃相度規阡酌定章程以郡守汪君志伊董視其役一
 切鳩工庀材皆令文琛經理而吏役不與焉經始於乾隆己
 酉春月閱十月而葳事傑閣巍易敞而新周垣言言易璧
 而石自閱大成殿以逮門廡及先賢祠宇皆楹式煥丹牖
 增輝省牲之所教授之齋咸撤而新之工竣之日遠近來觀
 濟濟畢集予乃進諸生而告之曰吳故泰伯之邦而言游氏
 之鄉也郡學則范文正公之所經營而胡安定先生之所設

教也泰伯以禮讓化荆蠻之俗而言子以文學為聖門高第
 傳六經之微言漢唐以後儒林輩出郁彬彬其風蓋有自
 矣宋初州郡未有學校自范文正公由是諸生咸知經義治事為有
 荆斯學延安先生為之師由是諸生咸知經義治事為有
 益而不溺於詞章記誦之陋文正為秀才時即以斯世斯民
 為己任文章論說一本仁義先憂後樂之言終身誦之故學
 術醇粹有以啟程朱之本仁義先憂後樂之言終身誦之故學
 並此固人倫師表非一鄉所私為君是鄉者尤當心嚮往
 人之辨今士子束髮受書門之教務為君是鄉者尤當心嚮往
 仕宦而不思正心誠意以端其本興詩立禮以滋其原輔世
 長民以大其用溫飽之念重而根柢之地疎豈稱朝廷興
 學造士之典哉夫言經義者以仁義道為歸風雲月露之
 篇皆陳言也言治事者以風俗人心為本簿書期會之要皆
 末務也上以實求下以名應此念已不可簿書期會之要皆
 疏勦襲之學以求速化捷得名應此念已不可簿書期會之要皆
 學者毋急於小成毋競於榮利志文正之儒遠矣吾願肄斯
 學文行兼修體用一貫於以仰答聖天子菁莪棫樸
 壽考作人之至意斯不媿為學校中人而可媲美於吳中先
 哲也歟是工之興不費公帑不煩民力事速而集堅固可久

予既嘉其義而樂其成并述訓告士子之言俾刻諸石云時乾隆五十有四年孟冬月 寧日昌重修蘇州府學後記蘇州府學創建於宋范文正公及朱公綽父子建炎間燬於金兵至紹興年復建嗣後興修不一其有碑記可攷者南宋四元七明十有五 國朝順治迄咸豐九咸豐十年燬於粵寇之亂 大成殿棟梁僅有存焉今協揆合肥李公克復郡城第興築至今今年秋落成而春秋釋奠禮儀未肅執事不備官簠簋籩豆尊壺之具缺其數琴瑟鐘磬簫管祝陳而不能作羽籥廢而不復用予為之蹙然以謂是不足以昭典禮而肅明禮乃集府縣學諸生百有餘人習禮容遴滬城舞生教之舞越二旬而教成於仲秋上丁將事禮儀既備鐘鼓既飭登降有度駿奔走在廟肅肅乎雖離乎有可觀焉若夫攷定鍾律俾無僭差以合乎太常之奏蓋尚有待也夫宮庠之地士大夫以時瞻仰動其景賢希聖之思以為風俗人心之本是豈可以苟焉乎哉是學規模廣大閱五年而始復舊觀始其事者郡人潘觀察曾璋而馮中允桂芬顧觀察文彬汪郎中錫珪繼之潘太史遵祁實終之例皆得書其建置條目糜錢若干萬千皆書於碑陰俾後之人有所攷焉同治七年歲次戊辰十一月甲戌朔

先師廟宋元舊稱文宣王廟明嘉靖十一年改今稱 國朝因

之康熙二十三年

聖祖仁皇帝頒御書額曰萬世師表雍正三年

世宗憲皇帝頒御書額曰生民未有乾隆三年

高宗純皇帝頒御書額曰與天地參嘉慶四年

仁宗睿皇帝頒御書額曰聖集大成道光三年

宣宗成皇帝頒御書額曰聖協時申道光三十年

文宗顯皇帝登極頒御書額曰德齊疇載咸豐十一年

皇帝登極頒御書額曰聖神天縱今制殿覆以黃瓦歲春秋仲

月上丁日記以太牢

舊用少牢雍正三年改牲

大成殿正位
至聖先師孔子

復聖顏子宗聖曾子述聖子思子亞聖孟子

十哲

先賢閔子損冉子雍端木子賜仲子由卜子商冉子耕宰子
予冉子求言子偃顓孫子師 國朝康熙五十一年升宋儒

朱子熹為先賢列十哲之次乾隆三年又以有子若列十哲
之次

兩廡

先賢澹臺滅明宓不齊原憲公冶長南宮适公皙哀商瞿高
柴漆雕開樊須司馬耕巫馬施公西赤顏辛梁鱣曹卹冉孺
公孫龍伯虔冉季秦祖漆雕哆顏高漆雕徒父壤駟赤商澤
石作蜀任不齊公夏首公良孺后處奚容蒧公肩定顏祖鄭
單句井疆罕父黑秦商榮旂公祖句茲左人郢縣成鄭國燕
伋原亢顏之僕廉潔樂欬叔仲會邾異狄黑公西輿如孔忠
公西蒧施之常陳亢秦非琴牢申棖左邱明步叔乘顏噲
國朝雍正三年增祀蘧瑗復林放復秦冉復顏何復牧皮縣
亶公都子樂正克公孫丑萬章升宋儒周敦頤張載程顥程
頤邵雍為先賢咸豐三年增祀公明儀七年增祀公孫僑

先儒公羊高穀梁赤伏勝高堂生孔安國毛萇董仲舒杜子
 春后蒼王通韓愈歐陽修胡瑗司馬光楊時胡安國羅從彥
 李侗陸九淵呂祖謙張栻蔡沈真德秀許衡薛瑄胡居仁陳
 獻章王守仁 國朝康熙五十三年增祀范仲淹雍正三年
 增祀鄭康成復諸葛亮復范寧復尹焞黃幹陳淳何基魏了翁
 王柏趙復許謙金履祥陳澹羅欽順蔡清陸隴其乾隆三年
 增祀吳澄道光二年增祀劉宗周三年增祀湯斌五年增祀
 黃道周六年增祀陸贄呂坤八年增祀孫奇逢二十三年增
 祀文天祥二十九年增祀謝良佐咸豐元年增祀李綱二年
 增祀韓琦九年增祀陸秀夫十年增祀曹端同治二年增祀

毛亨方孝孺呂柟七年增祀袁燮

崇聖祠舊曰啟聖祠祀叔梁公以先賢顏無繇曾點孔鯉孟孫
 激配先儒周輔成程珦朱松蔡元定從祀 國朝雍正元年
 封

先師五代王爵肇聖王木金父裕聖王祈父貽聖王防叔昌聖
 王伯夏啟聖王叔梁紇祠改今稱增宋張迪從祀

以上縣學同

范文正公祠祀宋參知政事魏國公仲淹以公子將作院主
 簿純祐尚書右僕射兼中書侍郎許國忠宣公純仁尚書右
 丞周國恭獻公純禮龍圖閣直學士純粹配初宋元祐開郡

人朱長文掌教事始立祠於禮殿後以安定先生配元至元元年火總管道童重建王澤明記明永樂十四年知府董著重修天順四年知府姚堂徒建泮池南 國朝康熙中巡撫

浙江都御史范承謨重建咸豐十年燬同治七年重建元王澤民

范文正公祠堂記吳學之興始於文正范公此所以專祠祀公也宋景祐初天下郡縣未有學公守吳請而建焉吳為公父母之邦向得錢氏南園地將居之或謂是必世生公卿即以地為學宮公之子恭獻公持節過郡益新學給田繇是立祠禮殿後忠宣公恭獻公從祀尚賢報本典禮宜稱至元再元春正月鬱攸及祠屋幾毀明年文學椽蔣君伯昇至願瞻摧圯懼神弗居告諸郡守掄材木陶甃瓦易撤故朽完補缺漏棟宇隆敞像設儼肅秋九月始事冬十有二月工乃告成為日凡若干錢為緡凡若干郡守通議道童公為署祠之扁蔣公偕公八世孫文英來言曰公之祠於是也久矣若稽歲月紀載闕焉不書諸石曷昭永圖願記之澤民維聞氣哲人問學本乎六經履蹈合乎仁義元勳鉅德茂以形容方慶

胥中召對天章閣列奏十事三曰精貢舉既用其說學教偏天下嘗聘安定胡先生主教吳士嗟乎興學立師羽翼斯道豈淺鮮哉祭法禦大災捍大患於一時猶得祀之若公之功施於天下後世豈惟吳學宜祀之凡有學者皆可祠也夫奉嘗固以致嚮往隆報效士之高風隨牒公之鄉屢嘗拜公之像之心者乎澤民夙仰公之高風隨牒公之鄉屢嘗拜公之像今復以文字寓名祠下何其幸邪遂不辭而為之記又明年歲在丁丑正月壬子立石明魏驥新選范文正公祠記蘇州府學有宋大賢范文正公祠者蓋以公嘗與鄉郡割所得錢氏南園之地建學而正公祠者蓋以公嘗與鄉郡割所得其復割前園之地益廣其基而入之也祠舊在泮池之北後入路迂曲落地陰潤每經一雨草輒侵階以致朔望之晨行香謁虔人跡罕至習為故常今太守四明姚公堂治蘇之明年政通人和田穀大登乃歎曰文正父子建學之功如此其大而其祠屋之地如此其辟可能報其功之萬一乎於是請之於奉敕巡撫江南都憲萬安劉公巡撫侍御南郡袁公遂相址於鍾秀門之內泮池之南入道之右厥位面陽厥土燥剛鳩工築基卜日遷於其上棟檻梁楹之腐黑者易之蓋瓦級甃之破缺者補之增以藻飾繚以垣牆書以題扁中塑公像旁繪子神儼然一家之氣象也思昔范文正公為當時

第一流人物忠義滿朝廷功名滿天下事業滿邊陲在他邦
 異域者尚欲效其為人況生於其鄉者乎凡育材於茲學者
 皆將以君上致治之用也必目有所接則心有所動矣今
 而太守姚公既遷公祠於茲而在學之士出入往來無有不
 在其目目既得見心可得無動乎必思他日學成材就出為
 時用以文正父子義下利之心如此可不則而效之乎以
 文正出將入相之才如此可不企而及之乎以文正先憂後
 樂之志如此可不力而行之乎效慕於幼學之時致用於壯
 行之日俾蘇學之人才益盛而益揚者實繇乎一遷祠之所
 致也然則姚公興學作人之功容有既乎是用勒茲於石以
 示來者天順五年

胡文昭公祠祀宋安定先生瑗初配祀范文正公明弘治二

年知府孟俊始建專祠於范祠左十七年知府林世遠遷朱

長文主人祠配祀 國朝康熙中布政使慕天顏重修咸豐

十年燬同治七年重建明劉民悅重建胡安定先生祠堂記今上改元之三載福建海澄周公以

都察院右僉都御史奉命巡撫應天祇謁先師禮成爾乃登

六經之閣陟道山之亭仰瞻眺慨然有蘇湖模範之想詢

其祠宇或以荒圯對公穆然咨嗟曰嘻是固三吳木鐸之鼻

祖而百代帝師之功臣也可使其祀委於草莽乎於是捐贖

緩二百緡檄府之行縣鼎建之時悅以六月之哉生朋履任適

下丁悅率諸生二百餘人如例祭告蓋經數十年始再見安

定先生丰度云因是而有感於治天下之有要也作勇以氣

作士以禮未善端木論孔子之治亦曰動之斯和人論曰動

之不以禮未善端木論孔子之治亦曰動之斯和人論曰動

嘘而南則南噓而北則北如風至而酒湛液蠶咀絲而商

絃絕豈大聲色哉蘇湖教遠士習於簡傲蕩於禮法無論諸

說以渺論恐終不可樹招於此而人爭射之政寓於教公之藏

於機安定之建如樹招於此而人爭射之政寓於教公之藏

霖之請而文廟新可清租於此而人爭射之政寓於教公之藏

獻之又可悅六條之請而丁祭以釐朝賀以舉齒德以請而文

祠之主位以定樂舞以正藏書以備皆機也以故半載之間

訟牒息於公府狂逞泯於鄉閭宮牆絕遊治之羣租賦去蠹

鼠之耗卷軸富二酉之積藩籬週四維之安孤貧無向隅之

悲庭戶有臺署之肅而朝賀丁祭鄉飲三鉅典百年廢弛之
 習振舉維新觀者至比於車麟馬嶺之詠呀盛哉此詎寧是
 區區一首稿奉行唯謹所克奏效若是則公之鼓動微矣故
 曰機也不知者以為美觀和者以為報本君子直比於風動
 雨施天之至教不過是耳此豈可為簿書俗吏視學敦為他
 人業視修學敦為異人任者語哉悅固動於公之機者也恐
 諸生動於公而不自覺特表出之令其窺公於微勿徒以一
 與造之役視之則受公賜宏矣是為記天啟四年甲子正月
 旦吉

韋白二公祠在府學中西偏祀唐蘇州刺史韋應物白居易
 舊各有專祠韋公祠舊名集賢祠明嘉靖四年知府胡纘宗
 改名韋公祠天啟四年巡撫周起元以濬皋橋南河所得異
 石置祠堂中先是修學工竣有光燭天因名是石為瑞石
 國朝咸豐十年與白公祠俱燬同治七年重建合祠二公

明

陽重建集賢太守祠堂記集賢太守祠者即韋刺史祠載於
 郡志其來久矣是祠蓋蘇人思唐刺史韋公之賢而立也公
 諱應物貞元初繇左司郎中出守茲土其性高潔鮮食寡欲
 尤工於詩故劉太貞與書云師摯之始關雎之亂於公之文
 見之於風雅韻播聞於蘇既沒之後蘇人思慕之不忘乃為
 立祠以祀之禮也夫自蘇學未建之後蘇人思慕之不忘乃為
 范公來守鄉郡以陰陽家謂此地當踵生公卿遂請諸朝創
 為郡學學成之後其祠適當禮殿之左意以公為文學政事
 之賢守遂改今稱及改今額所冀崇文輔教而有默相之功
 焉士子之來遊者悉禮而祀之凡有祈禱克盡誠敬者
 獲應如嚮自是以來蘇學日隆而祠之凡有祈禱克盡誠敬者
 家之用其致君澤民揚芳邁偉者先後相濟濟濟彬彬出為國
 相之功有以致其盛耶故今姑蘇合郡人士或以集賢太守
 祠稱之而不知其舊為刺史章公之祠者眾矣陽自永樂於
 卯歲職訓蘇庠顧瞻祠宇惜其東臨通衢西逼門廡基址殊
 窄遇有霖雨則溜水衝溢梁柱易於朽腐亟欲新之而未果
 宣德壬子乃捐已資為堂一間於後像設之舊者咸為新之
 復欲葺其前楹而未就適盱江何君子方來授教茲學慨然
 以修舉廢墜為念遂借司訓胡君汝濟具以其事白於郡之
 賢太守况公公即捐俸以助相與經營圖畫鳩工度材以新

其前故是祠之制前輝後映煥然一新教授何君復於春秋仲月例用特性之禮率諸生以享祀之凡士子之居於學宮者俱愀愀然有喜色而相告曰祠既成矣禮亦備矣願為文紀述其事以垂示於將來吁昔柳刺史之館祀於羅池也昌黎文公書其事昌黎公之廟食於潮陽也文忠蘇公撰其碑今刺史章公之祠於蘇學安得昌黎文忠二先生者復起大書其事以表白於來世也耶顧予小子又烏敢追步二先生之轍而文其石哉今乃不揣庸陋姑述此而刻於石者蓋欲使後人知太守神功之著於蘇學集賢之改稱有自而刺史章公名宦祠載於郡志祀典者有足徵焉抑欲俾蘇之人士歲時享祀之禮愈久而愈不忘也遇其祠宇損壞尚冀後來賢士君子追念創建之緣而修治之不廢也諸生屬予誌述之意其不以是夫予之贊言於石而有望於將來者其不以是夫宣德九年五月吉日

韋左司白太傅二公舊有專祠在府學西偏咸豐十年燬於寇今年秋廟學落成遂重建附近諸祠爰為合祠以祀二公夫二公官皆刺史皆唐代詩人之著者其為政也亦大略相似僉謂合祠固宜予准二公之刺吾州也政績紀載寥寥乃歷千有餘歲令人思慕之不衰何歟夫以二公之詩而論韋公清深闊遠白公和平真率而其纏緜悱惻之意致其忠君愛國勤恤民隱之心則二公未嘗少異也且韋公之為人性情高潔恬淡寡欲其居官也必政簡刑清而民安其俗也可知白公之為人衷懷坦白和易近人其居官也必慈祥惻隱而民樂其利又可知然則為治者豈必樹烜赫之功以震耀斯世然後謂之賢乎哉夫亦廉於己而厚於民盡吾職分所當為設誠而致之於行而已矣詩曰豈弟君子民之父母又曰豈弟君子民之攸好又求多乎哉而其原實本於石弟其二公之謂歟祠既成爰著其合祀之說以刊於石

况公祠在儀門西祀明蘇州知府况鍾舊有祠在吳縣學中

後圯 國朝康熙四十八年知府陳鵬年建移吳鬱林太守

陸績廉石置祠庭中 績罷政歸官儉無裝舟輕不能道海取石為重世愛其廉號鬱林石自績故宅

再移於此 成豐十年燬同治七年重建 明吳寬廉石記石

怪狀不可盡述良工采之好事者賞之君子則藐之於此有

石焉頑然數尺重而不奇蠢而不准盡山中皆是物也良工棄之好事者藐之君子則賞之豈徒賞之又從而貴之敬之視其物殆與魯璜秦璧等非物也人也蓋當漢末吳郡陸公

績仕於孫氏為鬱林太守相傳泛海歸吳舟輕恐覆起巨石
 為裝蓋其廉如此公家妻門之內臨頓里之北石留民家至
 今猶存而埋沒土中僅露其背過者猶能指而稱之曰此漢
 陸公鬱林石也然未有表識之也今監察御史昨城樊君社
 巡按吳中聞而美之謂知府史侯簡曰先哲遺物固宜表識
 且有可以風厲乎人者在顧其石僻在東城非官吏朝夕屬
 目之所其為埋沒等耳吾將有以置而立之俟以為然吳縣
 知縣鄺璠長洲縣丞王倫相與督役夫曳置察院之側作亭
 覆之而樊君為名之曰廉石始僻而通久湮而顯觀者闕
 然足跡不絕皆曰古之御史必以揚清為事樊君此舉雖
 去之千四百年之久猶揚之況近者乎且御史之職在乎舉
 賢舉賢者可以激勸乎一時石之不朽雖至於千萬年可也
 其有功於風俗遠大且久惟昔南中有貪泉焉飲之者見寶
 貨以兩手攫而懷之物之能移人心如此今之廉石正與此
 戾自茲以往凡過而視之者其廉士固欣然摩挲愛玩以益
 勵其操若夫貪者將俛首報顏趨而過之有不動心而改行
 者尚得為人類也乎石之立為弘治丙辰四月二日越月而
 亭成樊君既題其楣曰漢鬱林太守陸公復刻琢石請予為
 記予美其事故諾而助成之國朝李果移鬱林石記漢末
 陸公績仕孫吳為鬱林太守廉於官歸舟輕絕不可越海取

巨石鎮舟以還今郡學中廉石是也高數尺廣殺其三之一
 而厚又殺其兩陸公吳郡人石舊在婁門臨頓里以公官呼
 鬱林石明弘治中有司昇置察院解旁築亭以覆更名廉石
 見吳寬匏庵記國朝裁去察院解為武弁官舍亭亦久廢
 康熙四十八年郡守長沙陳公補建前守况公祠於郡學移
 石樹之祠前况公在前明人夙號為廉吏也陳公祠於郡學移
 而能慈愛尤以廉幹稱去官羈潤州日至不能謀朝夕蓋遠
 師乎陸公而近法乎况公者其於茲石宜其肅焉加敬不欲
 委諸衢路為販夫牧豎所狎玩而必登自學宮表之賢守之
 祠使學士大夫相顧而矜式太息而為之者其自為計良深
 矣然不愚者雜歸舟載石當必有唾之厚亡而愚者之計耶
 留之千百年照耀於人世耳目聞而無有窮期也愚耶智耶
 當必有憮然與感者矣公在潤州余嘗謁公公屬余記此石
 之因書

九公祠在府學中西偏祀 國朝兩江總督于成龍江蘇巡

撫湯斌張伯行蘇州府知府陳鵬年大學士兩江總督尹繼

善江蘇巡撫陳宏謀兩江總督費醇江蘇巡撫岳起林則徐于湯張陳林五公舊各專祠尹公舊與陳公宏謀合祠費公舊與岳公合祠咸豐十年俱燬於粵匪之亂同治七年重建

合九公祀焉國朝潘道九公祠碑銘三吳古稱澤國民賦重商賈福驛俗尚侈靡故治吳者尤以興水利理財賦正風俗為急務朝廷以吳為大邦簡昇節鉞往往為世名臣自康熙道光朝廷以吳為大邦簡昇節

于清端湯文正以下至林文忠九公祠名宦者百三十人

各有所祠載在府志可攷文忠祠最奉九公栗主九公者贈太

皆燬於兵燹今年秋乃為合祠以奉九公栗主九公者贈太

子太保前兩江總督承寧年清端公工部尚書前江蘇巡撫

睢州湯文正公禮部尚書前江蘇巡撫儀封張清恪公河道

總督前蘇州府知府湘潭陳恪勤公贈太保文華殿大學士

前兩江總督滿洲尹文端公太子太傅東閣大學士前江蘇

巡撫臨桂陳文恭公追復大學士工部尚書前兩江總督錢

塘費文恪公贈太子少保前江蘇巡撫滿洲岳公贈太子太

傳雲南總督前江蘇巡撫侯官林文忠公夫九公之遭遇世

通有升降在位有久速所設施展布有廣狹淺深其學術經

濟文章誠不能以脗合而吳民甘棠芟說之思夫豈有異歟

然其政績載於志乘傳記皆可攷而知也後之莅吳者瞻拜

祠下思所以興水利理財賦美教化而正風俗踵九公之成

法而潤澤之則後人之思之豈有與於今日哉爰著其改建

之由而系以銘詞曰巍巍羣公保釐南土英蕩之臨民歌且

舞去也民悲來怨其莫于公湯公純臣大儒張公繼軌

帝用福吳揚高宗之朝尹陳費岳滄洲陳公載惠來牧迄於

露濡林公陳泉於初秉節重來勤心民虞猗歟九公胥蠶昭融來

名宦祠初與鄉賢祠合為先賢祠案先賢祠初在禮殿後元至治中總管錢光弼責

學田逋租改建明天順四明成化二十三年提學司馬聖分

年知府姚堂徙泮池南

立在禮門東南即今地祀周吳大夫伍員漢會稽都尉任延會稽郡督郵鍾離意會稽太守第五倫會稽太守張霸晉吳

郡太守鄧攸吳國內史袁山松梁招遠將軍吳郡太守何敬
 容都官尚書監吳郡丞江革唐冬官侍郎江南安撫大使狄
 仁傑蘇州刺史兼御史中丞浙西都團練觀察使李棲筠蘇
 州刺史蕭定案乾隆志職官題名宦列傳俱無蕭定引
 唐書云定自左右司郎中出為袁州刺史歷
 信湖宋睦潤五州刺史未嘗為蘇州也據此則蘇州刺史韋
 定亦不應祀名宦特以現在祀典所列姑存之蘇州刺史韋
 應物蘇州刺史王仲舒長洲令兼攝吳令滕遂御史中丞浙
 西觀察使李德裕蘇州刺史白居易蘇州刺史狄兼謨蘇州
 刺史李紳蘇州刺史劉禹錫吳越中吳軍節度使錢元璩宋
 大中大夫禮部侍郎直史館知蘇州事孫冕通判蘇州事徐
 奭太子中允蘇州州學教授胡瑗奉禮郎簽蘇州判官事司

馬光通判蘇州事李禹卿天章閣待制知蘇州事滕宗諒右
 司諫知蘇州事孫覺中散大夫知蘇州事章帖直龍圖閣知
 蘇州事王覲通判蘇州事賈公望中大夫徽猷閣待制知平
 江府事莊徽猷閣待制知平江府事胡松年顯謨閣直學
 士知平江府事李光起居郎知平江府事周葵平江府觀察
 推官蕭燧右太中大夫敷文閣待制知平江府事蔣璨試吏
 部侍郎知平江府事洪遵左朝請大夫顯謨閣直學士知平
 江府事虞允文端明殿學士知平江府事汪應辰知平江府
 事王佐知平江府事王遂觀文殿學士知平江府事趙與簞
 集英殿修撰知平江府事常懋浙西江東制置使兼江西安

撫大使知平江府事文天祥浙西制置副使兼保康軍節度使知平江府事張世傑元平江路總管師克恭平江路總管道童明蘇州府知府魏觀蘇州府知府姚善戶部尚書督治蘇松水利夏原吉工部尚書巡撫應天等府周忱蘇州府知府晉正三品階況鍾監察御史督學南畿孫鼎蘇州府知府朱勝都察院右僉都御史總督江南糧儲李秉蘇州府知府姚堂蘇州府知府林鶚監察御史督學南畿陳選南京兵部尚書兼都察院右副都御史巡撫應天等府王恕都察院右副都御史巡撫應天等府彭韶都察院右副都御史巡撫應天等府曹鳳刑部郎中恤刑吳中孫燧蘇州府知府

州府知府徐讚監察御史督學南畿蕭鳴鳳蘇州府知府胡纘宗蘇州府知府聶豹蘇州府知府王儀山東布政司右參政蘇松兵備道贈光祿寺卿任環都察院右僉都御史巡撫應天等府前監察御史巡按蘇松等府周如斗監察御史督學南畿耿定向蘇州府知府蔡國熙監察御史督學南畿陳子貞都察院右僉都御史巡撫應天等府海瑞監察御史巡按南畿甘士价蘇州府推官袁可立嘉定縣知縣陳一元

嘉定現已割隸太倉此應移祀未及釐正者蘇州府知府孫成泰都察院右僉都

御史巡撫應天等府周孔教長洲縣知縣祁承燦蘇州府知府沈萃禎都察院右僉都御史巡撫應天等府周起元都察

院右僉都御史巡撫應天等府前監察御史巡按蘇松等府
 祁彪佳蘇州府知府陳洪謐監察御史督學南畿倪元琪山
 東按察司副使蘇松兵備道凌義渠戶部主事督理許墅關
 許豸長洲縣知縣李寶長洲縣教諭劉永錫蘇州府知府徐
 應召 國朝江蘇巡撫周國佐兩江總督馬鳴佩太子太保
 左都督江南提督世襲二等阿思哈尼哈番梁化鳳江蘇巡
 撫馬祐江蘇布政司參議蘇松常分守道韓佐周蘇州府督
 糧同知師佐吳縣知縣吳存仁江蘇布政司參議蘇松常分
 守道方國棟太子少師兵部尚書江蘇巡撫慕天顏江蘇布
 政使丁思孔蘇州府督糧同知石文晟兩江總督于成龍江

蘇巡撫湯斌江蘇布政使劉鼎兩江總督傅臘塔蘇州城守
 營游擊趙宏印詹事府贊善江南學政許汝霖江蘇巡撫宋
 榮江蘇布政使司參議蘇松常鎮督糧道史起賢舊志起賢誤作啟兩
 江總督范承勳布政司參議江南學道邵嗣堯內閣學士江
 南學政張榕端江南驛鹽道蔡琦太僕寺少卿江南學政張
 泰交蘇州府知府陳鵬年江蘇巡撫張伯行詹事府諭德江
 南學政張元臣漕運總督郎廷極翰林院侍讀學士江南學
 政余正建蘇州府知府梁穆太子太保文華殿大學士兩江
 總督前江蘇巡撫尹繼善江蘇巡撫徐士林江蘇巡撫陳大
 受太子少傅總督銜管江蘇巡撫事陳宏謀兵部右侍郎江

蘇學政胡高望太子少保兩江總督前江蘇巡撫費醇江蘇
巡撫岳起戶部左侍郎江蘇學政周系英兩江總督前江蘇
巡撫按察使林則徐

鄉賢祠明成化二十三年提學司馬聖分立在禮門東南卽
今地祀商臣巫咸巫賢周吳公子札漢隱士角里先生周術
豫章都尉前吳令陸烈會稽議曹祭酒龍邱萇吳偏將軍鬱
林太守陸績丞相醴陵侯諡肅顧雍晉大司馬東曹掾張翰
梁太府卿吳興太守贈侍中中衛將軍開府儀同三司諡忠
貞張嶷陳黃門侍郎光祿卿贈秘書監右衛將軍顧野王孝
子張昭孝子舉孝廉張乾唐國子博士吳縣男陸元朗太子

少保兗國公前中書侍郎同中書門下平章事贈尙書左丞
相諡文貞陸象先兵部尙書吳縣男贈尙書右僕射諡敬願
少連唐鳳翔節度使前中書侍郎同中書門下平章事贈太
子太傅張鎰望江令魏信陵忠州別駕前中書侍郎同中書
門下平章事贈兵部尙書諡宣陸贄太常卿贈尙書右僕射
丁公著左拾遺贈右補闕陸龜蒙宋戶部侍郎知潁州事汝
南郡公前參知政事贈兵部尙書追贈太師中書令魏國公
諡文正范仲淹光祿大夫知青州事程師孟湖州長史前集
賢校理監進奏院蘇舜欽太常博士陳之奇宣教郎秘書省
正字前蘇州州學教授朱長文守將作監主簿范純佑觀文

殿大學士中太一宮使高平郡公前尚書右僕射兼中書侍郎贈開府儀同三司太師許國公諡忠宣范純仁左朝議大夫提舉南京鴻慶宮高平郡侯前尚書右丞贈資政殿學士諡恭獻范純禮徽猷閣待制前戶部侍郎范純粹龍圖閣學士知揚州事贈左銀青光祿大夫諡章敏滕元發水部員外郎假工部侍郎贈龍圖閣直學士諡忠節滕茂實直秘閣京西路計度轉運副使贈忠烈侯諡忠惠滕膺左朝請大夫浙東提點刑獄王葆左朝奉郎著作佐郎通判常州事王熲秘閣修撰李衡正奉大夫敷文閣學士吳郡侯贈金紫光祿大夫少師諡獻惠胡元質宣教郎高州文學龔明之資政殿大

學士吳國公前參知政事贈少師崇國公諡文穆范成大金紫光祿大夫資政殿學士吳郡公前參知政事贈太師秦國公諡文節衛涇江淮招討使贈少傅汪立信元江浙行省參謀官朱德潤平江路萬戶宋通明翰林院侍書史仲彬貴州布政使左參議尤安禮福建按察使僉事陳祚太子太保都察院左都御史贈太保諡僖敏陳鑑工部右侍郎贈工部尚書諡襄敏王永和太子太保刑部尚書俞士悅詹事府少詹事贈禮部左侍郎諡文恭劉鉉翰林院檢討陳繼禮部右侍郎加禮部尚書銜楊翥山西太原府同知周珏都察院左副都御史諡文恪吳訥廣東按察使僉事戈立江西吉安府知

府李繼山西按察使僉事劉珏都察院右副都御史總督兩
廣軍務謚襄毅韓雍吏部左侍郎謚文莊葉盛國子監祭酒
謚信敏陳鑑工部右侍郎謚文忠孔鏞雲南按察使張翥直
隸涑水縣教諭贈南京太僕寺丞文洪禮部尚書贈太子太
保謚文安李傑吏部左侍郎加禮部尚書銜贈太子太保謚
文定吳寬浙江溫州府知府文林都察院右副都御史巡撫
山東徐源少傅兼太子太傅戶部尚書兼武英殿大學士贈
太傅謚文恪王鏊南京都察院左副都御史提督操江陳瑄
南京刑部尚書劉纓太常寺卿贈禮部右侍郎周詔都察院
左副都御史顧源都察院右副都御史巡撫山東沈林禮部

儀制司主事楊循吉封禮科給事中顧啟明河南右布政使
沈杰禮部尚書贈少傅謚文簡毛澄右春坊右諭德沈燾禮
科給事中楊昇南京禮部尚書贈太子少保謚恭靖朱希周
南京國子監祭酒陳霽禮部主客司郎中加太僕寺少卿銜
都穆太子少保吏部尚書贈太子太保謚恭肅周用國子監
博士前大理寺左寺副徐禎卿太常寺卿贈禮部侍郎謚恭
簡魏校案明史本傳不言贈侍郎刑部尚書贈太子少保謚忠襄吳山
案明史本傳無謚都察院右副都御史巡視浙江及福建濱海地方
朱紘江西布政使右參議王庭廣西按察使僉事提學道袁
袞江西永新縣知縣前工科給事中贈太常寺少卿陸燾南

京吏部文選司員外郎王穀祥山東布政司右參政分守東
兗道伊敏生太僕寺卿顧存仁南京刑部尚書錢邦彥尚寶
司少卿陸師道四川右布政使陳鏜禮部儀制司員外郎袁
袞舉人贈翰林院待詔張基湖廣按察司副使金世龍太子
少保南京吏部尚書贈太子太保謚安節袁洪愈南京刑部
山東司郎中贈大理寺卿宋純仁南京刑部郎中錢有威太
子少保南京兵部尚書謚莊簡楊成太傅禮部尚書兼中極
殿大學士贈太師謚文定申時行都察院右副都御史撫治
鄖陽等處郭諫臣山東按察司副使提學道袁尊尼贈都察
院右副都御史顧汝玉國子監博士私謚仁孝先生王敬巨

江西靖安縣知縣徐烈翰林院待詔私謚貞憲先生文徵明
國子監博士文彭直隸和州學正文嘉浙江崇德縣縣丞湯
珍福建清流縣知縣贈山東按察司副使天津兵備道蔣育
馨浙江布政司右參政分守杭嘉湖道袁一虬禮部左侍郎
韓世能詹事府中允劉璫廣東按察司僉事金應照浙江布
政司右參議分守溫處道丁元復南京兵部尚書贈太子太
保顧其志南京通政司右通政顧九思廣東按察司僉事分
巡嶺東道管志道河南衛輝府同知文元發山東莒州知州
毛文煒廣西按察司副使張文奇陝西按察使晉階資治尹
袁年廣東按察司副使分巡海北道伍袁萃刑科都給事中

贈太僕寺少卿吳之佳兵部尚書贈太子太保申用懋諸生
 貢入國學 國朝贈大學士宋道明湖廣承天府知府贈光
 祿寺卿王禹聲舉人贈翰林院待詔歸子慕南京工部右侍
 郎徐如珂江西上饒縣知縣贈禮部儀制司主事李鴻浙江
 崇德縣知縣陳允堅南京刑部右侍郎歸子顧貴州布政司
 右參政繆國維舉人贈翰林院待詔私謚孝介先生朱陸宣
 吏部文選司員外郎贈太常寺卿謚忠介周順昌福建道監
 察御史贈太僕寺卿謚忠毅周宗建霍山縣教諭贈國子監
 助教 國朝賜謚烈愍龔元祥進士觀政兵部彭汝諧詹事
 府少詹事前詹事府詹事謚文毅姚希孟諸生私謚貞孝先

生朱祖文諸生私謚端孝先生楊大滌諸生貢入國學私謚
 貞孝先生申用明直隸太平府通判吳正誼禮部左侍郎兼
 東閣大學士贈禮部尚書謚文肅文震孟行人司司正前廣
 東道監察御史顧其國南京國子監祭酒贈詹事府詹事謚
 文莊陳仁錫贈南京刑部郎中李志學諸生私謚貞文先生
 陳元素刑部郎中顧謚山東長清縣知縣陳紀山東按察司
 副使天津兵備道蔣燦詹事府少詹事贈太子太保禮部尚
 書 國朝賜謚忠節徐汧四川龍安府照磨許朝相文華殿
 中書舍人許士昌處士私謚端仁先生朱希文中軍都督府
 和陽衛經歷毛維張吏部郎中徐曉右軍都督府右都督浙

江總兵官一門殉節 國朝賜諡忠烈蔣若來兵部武選司
郎中沈應明太僕寺寺丞私諡節孝先生陳濟生舉人徐枋

國朝隱士十足先生過龍 乾隆志列明末道光志列明贈初按龍卒於國朝當改正

少保兵部尚書金志孝贈浙江山陰縣知縣顧所載贈翰林

院檢討尤淪吏部考功司員外郎顧子咸贈翰林院庶吉士

前明庠生顧子壯副貢生考授知縣贈河南巡撫顧天朗贈

翰林院學士朱嘉遇贈翰林院編修錢震獅內閣中書席啟

圖府庠生封山東鄒平縣知縣沈滉進士候選推官蔣德竣

候選知縣贈兵部右侍郎蔣之達翰林院侍講彭定求翰林

院編修錢中諧天長縣教諭張映葵翰林院編修徐昂發禮

部尚書諡文恪吳士玉廣東廉州府知府贈兵部右侍郎蔣

杲湖南武陵縣知縣沈華戶部右侍郎宋邦綬兵部右侍郎

蔣元益湖南巡撫陸燿兵部尚書諡文簡金士松進士候選

知縣彭紹升翰林院侍讀學士褚廷璋刑科掌印給事中費

振勳福建道監察御史彭希格元和縣 恩貢生候選直隸

州州判蔣華戶部浙江司主事前翰林院編修潘世璜通政

司副使顧純

案名宦鄉賢二祠前志序次不無凌躐爵里姓氏亦多舛誤今為一攷正前志又有唐太子少保充國公諡

忠啟李長宋太子詹事金宗禮科給事中張昇明宮保

禮部尚書陸諡禮部尚書王南詹事府詹事陳政翰林
學士張誥山東按察使尤左霍山縣教諭贈侍讀朱田
合九人皆乾隆志所不載其姓氏爵里亦多無攷不知

何據而增姑附於此

教授署在尊經閣西舊在明倫堂後同治中移建
訓導署在尊經閣西舊在禮門外西同治中移建

師生員額

宋置教授學正學錄直學元增訓導初由州府選聘以請於
朝其後太學立三舍法試可乃授閒命近臣薦舉充之生徒
來學不限多寡明制教授一員訓導四員學生始有定額
國朝教授訓導各一員廩膳生員四十名增廣生員四十名
附學生員不限額遇提學歲科兩試每次由所屬州縣撥入
二十五名武生歲科併試共二十名雍正八年以太倉改直

隸州鎮洋嘉定寶山崇明四縣屬焉自後府學每試止撥入
附生二十名武生一十七名咸豐十年增廣文生額十名共
撥入三十名

學田

宋景祐元年始立學詔給田五頃以贍學徒

紹興間撥給廢寺沒官田餘一頃宋戴溪記東陽倪千里起

始至計糧入不足以養士考核病弊學有羨積增養士員彬

彬盛集矣起萬慨然曰學教義之聚非徒養士也事關風教

非學敦誰實主之顧財力不可為而漫不度贏縮侵費養士

曰我將為義是又好名者過非吾志也因以告諸部使者今

右司郎中黃公適得廢事沒官田餘一頃先有佃學田多取
贏或不平爭之訟久不決黃公歸其田於學使自為官莊視
舊額增米三百石合前所得田為米三百五十石有奇起萬
曰是可行吾義矣請隸職於學者九人使得與學正錄錢糧

官同主之因定其規約歲取其入祠祀文正范公及教養其
 遺孫三人士有入太學與薦名登科第者助其費有差文武
 士宗子皆預焉至正會拜春秋釋奠其與行禮凡費於此乎
 出又將斥其餘以助上貧而親不能葬與嬰孩之遺棄者約
 既定學以其議上於府守王公擬盡心學數與闔府咸稱善
 善俾刻諸學與後人共守之起萬以書來求予文為記

嘉定閒判郡待制趙彥楠撥給官田餘三頃宋謝南記國家
駐蹕錢塘吳為

股肱郡涵濡文教人材日盛教官養士歲費益廣宜以不足
 聞也嘉定戊寅判待制趙公彥楠出在官之田餘三百畝歲
 可得米二百石有奇以助經費且作簡謂冷曹曰養成美才
 為明時需旨哉斯言公之愛士方所以愛國其仁豈有既哉
 是秋提刑攝府事即今右史王先所以愛國也參稽前此弛其徵
 入由是學宮益沾全惠而終始贊其決者僉判趙君與憲為
 有力焉南不才分教蒙此巨助詎敢沒其實

用敘大略併與公帖存之庶幾來者有考云

紹定閒教授江泰亨復冒沒田餘六頃又歸羨田餘四頃宋陳

耆卿記案吳郡圖刻建學昉文正范公主學昉安定胡先生
 先生學法傳天下未墜學宮在一州亦未廢也而田有不守

者蓋公斥勝地為宮又擇沃壤為田更建炎亡其籍而紹清
 之石與版獨爛如也不幸漁於豪民之手黠吏羽翼之株遠
 穴深漫弗省治故在常熟縣為田千六百九十畝而租之入
 者僅千畝焉蓋十有九年更幾部使者郡守不能直幾校官
 不得直而得直者江君泰亨能直之者林公介章公良朋司
 馬公述也方林公之攝守也江君力以告公力主之已而章
 公為守又力主之既主之直矣有憾者司馬公為使繼直其
 事遇林公再攝守復深直其事遂得直蓋歸其冒沒六百二
 十畝又歸其間羨四百餘畝無地無起舞矣迺並祠三公於學
 而請記於余余惟三代盛時無地無起舞矣迺並祠三公於學
 宮不待與田不待給而所謂良民者即其所謂秀士也其後
 士與民二矣給之田以助學蓋將使士之秀者專之而西使
 民之無良者奪之其於義何居而不知此邦之田則文正所
 給之田也給以助學則安定所主之學也自景祐以來言哲
 輔者孰如文正言明師者孰如安定之賢光氣覆罩八表豈
 以一州親沐嘉澤親染餘誨而可廢墜之乎以十有九年之
 湮沒而還之一朝其還者時也其所以還者人也三公之所
 以有賜於學也人知其三公之賜也雖併祠可也夫三公治文正
 之地而江君司安定之帝者也或主養或主教一也凡爾多

士因其養而溯其所以養如見文正焉因其教而迺其所以
教如見安定焉以是學古窮經砥操厲行未達則治已達則
治天下國家將使事業顯融名聲輝焯後之人見其盛而推
其所自曰吳學之士也不負教與養者也其豈非三公與江
君之意夫其豈非
文正安定之意夫

案王安貞筆乘云元至元元年詔天下學宮凡宋時置
田者悉給如舊又元史本紀云至正二年十一月從中
書省徹里帖木兒議罷江南學校莊田租給宿衛之士
衣糧二十四年從桑哥言鈞考江南學田所入額餘貯
集賢院以給有才藝之士據此
則有元一代有減而無增矣

明嘉靖三十六年康熙志作三十四年郡人給事中顧存仁助

長洲縣田一頃在二十四五等都圖明溫景葵記蘇郡儒

以贍學徒嘉定開判郡待制趙彥楠復以官之閒田三百畝
助經費則蘇學嘗有田矣國朝定制師生有祿有廩而祭祀
修理屬之有司固無所他需然文學日盛弟子員不啻十倍
於宋而貧乏者率居其半昏喪疾病無可賜子深歉於衷仰

愧前人一日巡撫都御史曹公邦輔提學御史趙公鏗巡按
御史周公如斗各移檄以前給事中顧公存仁少嘗游郡學
願割本戶長洲縣二十四五等都腴田百畝永充府學繕修
賑給之助倡義裨學實為盛舉其田稅可照餘米開荒科糧
補豁則其租俾該圖里役每畝入米九斗每石照永豐倉例
折銀三錢五分每歲共納銀三十一兩五錢貯學以俟支發
公私兩便與文正創學之義後先媲美宜刊石置學昭示久
遠予讀之竊歎曰昔文正公之在宋也其立朝則幾致
為已任以明道講學拔賢才厚風俗為急故其立朝則幾致
太平其守鄉郡則則善地創學延明師以淑後進忠義之氣
越禩五百耿耿如日星儒先學士論近代人才者未嘗不以
公為稱首其謂有功於道於學信不誣矣今顧公方以直諫
忤時久斥末復而能亟為此舉其真善學文正者乎夫學之
所養者士士之所學聖賢也學其真善學文正者乎夫學之
文正為準的則所學聖賢也學其真善學文正者乎夫學之
益甚又奚足與之言學哉景葵少為諸生竊嘗嚮慕於公茲
忝牧公鄉郡履公舊學以教養為職而瞻學之謀因循未
舉乃為給事公先焉為負所學多矣敢不懋勉於將來

四十二年同知徐師皋助置長洲縣仁三圖田二十七畝八

分池地一畝八分中三十一都田一十三畝王穀祥記

四十四年知府徐節助置長洲縣二十九都田七十畝

明申時行

記昔三代盛王其教養之法可考已田里溝洫以授民使民
嬉游作息於其中而無凍餒咨嗟之形塾序庠學以造士使
士藏修弦誦於其中而無淫佚恣睢之習其義深矣然譽髦
之士即俊秀之民也而先左羣使之入於學亦以振之飽煖
之餘而穀之既富之後當是時田不隸於學而士未嘗不食
於田其俯仰足依而心志不亂故田廢比閭失業民既無所
與教化風俗之美噫何其盛哉井田廢窮故有裋褐不完藜
藉以為善而號為士者亦往往沾於阨窮故有裋褐不完藜
藿不厭而獨行君子之德者有三日不舉火十年不製衣而
曳屣歌商頌者有易衣而出并日而食而上不答不致以疑
下不答不敢以諂者至於周恤問餽之典又闊疏而莫之舉
行士之窮亦既甚矣夫士雖食貧有以自樂而使飢餓於土
地則誰任其恥哉故學田之設亦所以通既變之法修已廢
之典而不失乎三代教養之遺意也吾蘇郡學創建自范
文正公始公嘗擇沃壤以贍學徒蓋蘇學之田尚已國家隆
重文教人才之盛負軼前代顧博士有祿弟子有廩而學田

獨闕徐侯來守是邦慨然歎息乃捐俸易田繫之郡學為畝
若干歲課其入若干士之困者疾者突不黔者喪不憚者皆
有給焉方是時吳中厄於淫潦民幾為魚而微調不休倭夷
繹騷瀕海之民猶荷戈也救荒禦寇之策蓋侯之所日夜勞
心而不遑者宜其視學校為緩圖矣而學田之置顧汲汲焉
其先教化厚風俗之盛心豈淺哉夫侯履文正之鄉而續
文正之舉其必有以心文正之心者吾聞侯約已裕民持廉
率職卓然有素羔羊之風而祿入之餘復舉以贍學校其
心文正之心章章著矣侯既效法文正而後之守是邦者或
效法於侯則所以加惠士髦者永無極而孰非侯之賜哉
吾既以頌侯又所以冀夫心侯之心者蘇之幸三代
教養之遺意常存勿替焉是又吾蘇之幸也

隆慶六年撥沒入官長洲縣南三十一都田一項

明潘鑿記

之國以養士而子興氏陳玉道必曰貴德尊士然士生於周
雖無恆產亦有恆心三代而降富歲多賴非性也其所以養
其身心者豫也我朝建學養士徧天下諸才毓英以裕濟世
之用彬彬尚矣惟士之食餼於縣官者雖大郡方州並有程
限自茲以外則於俯仰無累既富方穀者能必其所以為
則仁人君子為師率司教化能無感然於此耶其所以為

弟作興菁莪樸棧必有曠世相感而加惠於無窮者矣今操院張公保障南畿既江防盜謚則軫念蘇庠惠及窮困爰咨爰議戢彼巨猾顧存善者薄罰膏腴徵郡追徵以資多士適蓋以勾當公務負弩金陵謁公臺下公溫顧相論謂士無恆產曷所於賴茲有沒入官田為收者百給學歲收以繼諸生膏火務謹收斂清出放俾有實惠然非刻石無以認將來屬鰲為之記

萬曆三十五年提學楊廷筠助置長洲縣上十一都西二十

二都田一頃五十四畝申時行記

案乾隆志引王煥如學志云天啟七年提學陳保泰准業戶徐道本張寵畢成各繳價領歸田九十八畝四分崇禎三年更置長洲縣上十四都田八十畝十五年提學宗敦一准業戶王嘉賓繳價領歸田五十一畝六分易置長洲縣二都田四十三畝共減田二十七畝租入仍如舊額

四十年巡撫都御史徐民式撥同知許爾忠署理鈔關餘羨

銀助置吳縣九都十都田一頃八十九畝四分七釐四毫申

時行記

案乾隆志引學志云崇禎十五年提學宗敦一准業戶金伯繳價領歸易置長洲縣婁字二圖田一頃減田八十九畝四分七釐四毫租入仍如原額

四十五年鈔關主事張大猷助置吳縣二十七都田一頃長

洲縣上二十一都田一頃

內長洲縣田為業戶張經欺冒缺五畝

崇禎元年巡撫都御史李待問提學御史陳保泰巡按御史

王琪撥給常熟縣沙田七十九頃三十五畝二分九毫

案乾隆

志引學志云是田初為江陰民王國龍開墾崇明奸民爭奪成訟臺檄給學尋以巡按御史饒京括州縣册外起科錢糧彙題抵餉仍歸常熟縣徵收

名宦祠公田明嘉靖四十三年同知徐師皋以其父讚祀祠

中置助長洲縣田二十四畝二分供歲修明王穀祥記凡學

賢而有功德者一方之專祀也蘇學故有先賢祠羣祀名宦

鄉賢成化丁未始分祠而祀所延而先後人祠者凡若

定焉今名宦自漢會稽郡尉任延而下先行之春秋與文廟

人莫不覈名實嚴去取務公議秩之祀典信非賢有德者不

祀同時而舉厥惟重哉其獲俎豆於斯者信非賢有德者不

可也正德丙子永康復齋先生徐公讚繇弘治乙丑進士以

御史擢守蘇郡公德器凝重度量寬洪心事光明才猷練達以

其治惟務大體不事苛細詢民疾苦而幽隱畢通究時利弊

而施為有序省刑薄賦節用愛人濬海道之湮備逆藩之變

尤加意膠庠鼎新廟學延名儒傳經術而文教大興士習不

振其諸善政不可勝舉化行期月報政凡七年郡益大治深

嘉勞進秩河南右參政仲還治蘇郡凡七年郡益大治深

仁厚澤淪肌浹髓矣擢江西左參政歷藩臬陟都憲仕至工

部右侍郎未幾以憂去尋以疾終自公去蘇歲月云邁士民

思慕沒世不忘乃躋祀公於名宦之祠報公崇德公議協而

人心慰猗歟休哉嘉靖甲寅公之冢孫華源君師皋以詹端

主簿通判蘇郡蘇之士民故老舉欣欣相慶曰此吾賢太守

徐公之孫也思徐公而不見見公之孫如見公焉象賢太守

相繼為邦世德之風君子之澤又當漸被於吾蘇也君彬彬

恂恂兢兢翼翼不承先烈恪守官箴廉白是將夙夜匪懈職

修而政舉名實加於上下擢同知蘇郡履寵若驚慎終如始

清操益勵才譽益彰居官盈十年知蘇郡履寵若驚慎終如始

必敬拜先公於祠若睹儀形而聞聲效者察屬羨之士民榮

之君猶歎然懼也日將違瞻仰思為永圖謂祠宇實妥靈之

地歲當修葺我其助之癸亥恭進袞衣例給公費君辭弗獲

則捐白金五十兩屬教授進士潘君儵買良田籍之學歲收

其入儲之以備修祠之助潘君儵買良田籍之學歲收

報可則奉行惟謹甲子君擢廣西太平郡守行潘以田記屬

子予惟學之有出其來尚矣未聞名宦祠之有田也有之自

今華源君始是舉也有四善焉捐公費而不為已私廉也昭

先德而以詔來裔孝也上田可以供祭禮也公田可以助

學校義也本於孝成於廉起於義合於禮一舉而眾美具矣

夫學禮義相先之地教化所自出也君為是舉於學非惟崇

重先誥抑亦風勸後人吾知問君之風者將必興廉興孝由

蘇州府志 卷二十一 學校一 吳

禮由義士習革澆民德歸厚其於教化豈曰小補之哉又聞蘇學之設捨地於文正范公而其子純禮復加增拓創議於光祿朱公而其子長文實典教事皆相繼有功德於學當時盛事也今復齋公功德在學蹟祀名宦而華源君繼志述事復為義舉此其積功累德與范朱二公世濟之美曠代而相符也豈不重可嘉尚也哉予故樂為記之

乾隆志云以上田租歷代常有增置旋多占隱 國朝

康熙五十二年布政使楊朝麟核實田六頃八十九畝

五分七釐四毫分屬教授訓導司出納內名宦祠公田

二十四畝二分亦籍焉令核存實田六頃六十四畝五

分八釐二毫內長洲縣田二百三十八畝二分七釐四毫元和縣田三百二十六畝三分八毫吳

縣田一百畝外又有元和縣田除前志又有道山亭西無著田二十五畝三分二釐三毫

東嘉會廳南嘉會廳基各處隙地皆校官儷民種蔬取給

紫陽書院在府學內尊經閣後康熙五十二年巡撫都御史

張伯行建擇所屬高材諸生肄業其中中奉朱子木主事聞

聖祖仁皇帝御書學道還淳四字額以賜是年伯行撥吳江縣

水北庵僧入官田以廩諸生雍正三年布政使鄂爾泰增廣

學舍建春風亭於中堂之西十一年

世宗憲皇帝賜帑一千兩令官置田十三年巡撫尚書高其倬

撥給贖鍰并變賣廢祠銀置田乾隆三年巡撫都御史楊永

斌奏請撥帑四萬兩生息增諸生膏火十年巡撫侍郎陳大

受以元和縣學訓導吳中衡請歲於田租內撥銀八兩供書

院中朱子祀事祔以張清恪公伯行及高文良公其倬十三

年知府傅椿重修改建大門為東向十六年

高宗純皇帝御書白鹿遺規四字額以賜道光二年巡撫魏元

煜重修咸豐十年燬於兵克復後權借梵門橋巷邵氏宅為

考校之所同治十年巡撫張之萬撥給藩庫銀六千兩生息

增諸生膏火十三年巡撫張樹聲重建舊地奏

頌御書通經致用額國朝張伯行記東南文學之盛自言氏

英才蔚起代有其人故聲名人物甲於海內流風至今不墜

我吳之士居大半孰非聖朝禮樂教化漸摩使然不佞中州

鄙人謬膺上德於萬一不有忝斯任乎竊念服膺於朱子之教有

年稍能窺學問之大概今為諸士子陳之昔吾夫子設教洙

泗及門之士至三千有餘而惟顏曾為入室其餘雖各有所

造就而不無偏全之別及至後世尊德性道問學分門立戶

幾成聚訟朱子之道迭明迭晦於五百年之間迄未有定論

惟我皇上學術淵源躬行心得默契虞廷十六字真

傳獨深信朱子所云居敬以立其本窮理以致其知返躬以

踐其實其道大中至正而無所於偏純粹以精而無所於雜

學者之所以為學與教者之所以為教當以紫陽為宗而俗

學異學有不得而參焉者矣不佞樂與多士恪遵聖教講明

朱子之道而身踐之爰建紫陽書院地度於學宮之旁材取

於僧廬之毀正成於農隙之餘中為崇祀紫陽夫子之堂考

為諸生講學藏修之舍庖廩滂浴靡不畢具經始於癸巳之

冬落成於甲午之春墜茨丹雘翼如嚴如諸士子可以朝斯

夕斯若工入之居肆以成其器矣夫所為道者在人倫日用

附掌院題名

為工文辭取科第之資已也諸士子勉旃勿務華而離其實

亦勿求精而入於虛他日學成名立出而大有

為於天下庶不負不佞養賢報國之志云

馮 晷 字孟容吳縣人康熙癸巳科進士

朱啟昆 字敬齋湖廣漢陽人康熙丁丑科進士

韓孝基 字祖明長洲人康熙庚辰科進士

陳祖范 字亦韓常熟人雍正癸卯科進士

吳大受

王峻 字次山常熟人雍正癸卯科進士

沈德潛 字確士長洲人乾隆己未科進士

廖鴻章 字南厓福建永定人乾隆丁巳科進士

韓彥曾 字懋芳長洲人雍正庚戌科進士

彭啟豐 字翰文長洲人雍正丁未科狀元

蔣元益 字希元長洲人乾隆乙丑科會元

錢大昕 字辛楣江蘇嘉定人乾隆甲戌科進士

馮培 字實庵元和人乾隆戊戌科進士

吳省蘭 字稷堂江蘇南匯人乾隆戊戌科進士

吳翥 字山尊安徽全椒人嘉慶己未科進士

朱珩 字蘭坡安徽涇縣人嘉慶壬戌科進士

石韞玉 字執如吳縣人乾隆庚戌科狀元

董國華 字琴涵吳縣人嘉慶戊辰科進士

翁心存 字遂齋常熟人道光壬午科進士

俞樾 字蔭甫浙江德清人道光庚戌科進士

趙振祚 字伯厚江蘇常州人道光乙未科進士

程庭桂 字禔香吳縣人道光丙戌科進士

夏同善 字子松浙江仁和人咸豐丙辰科進士

潘遵祁 字順之吳縣人道光乙巳科進士

康熙五十二年撥吳江縣嚴墓田三頃七畝五分二釐五毫

雍正十一年增置長洲元和二縣田二頃八十一畝六分零

內冊荒田三畝六分三釐八毫又低瘠田四十二畝

八分乾隆元年易置元和縣田二十三畝七釐三毫

增置元和縣田二頃七十八畝九分七釐八毫又二十三畝

一分三釐內冊荒田二畝七釐五毫

乾隆三十三年增置元和田五十畝九毫四十七年撥長洲

入官田三十畝一分七釐元和入官田二十三畝九分三釐三毫

按前志道光三年核實田九百五十一畝三分九釐二毫內除乾隆三十九年勘明坍荒田四十畝四分二釐一毫咸豐十年兵燹籍亡同

治四年巡撫李鴻章撥入正誼書院田若干畝今共存

實在田三千三百三十八畝五毫內長洲縣田一千三百四十七畝二分七釐

元利縣田一千四百二畝六分二釐昭文縣田三百十四畝八分九釐四毫又常熟縣沙田

七百六十八畝九分三釐三毫皆附入賓興局徵租

正誼書院在府學東滄浪亭後嘉慶十年兩江總督鐵保江

蘇巡撫汪志伊建道光二年布政使廉敬率屬捐銀一萬兩

生息充費咸豐十年燬於兵克復後巡撫李鴻章購中由吉

巷民居改建初與紫陽書院俱以經藝課士至是乃專課經

解古學擇諸生十人肄業其中籌銀一萬兩為膏火之費同

治十年巡撫張之萬撥給藩庫銀四千兩生息增諸生膏火

並增住院生五人十二年巡撫張樹聲重建舊地奏

頒御書正誼明道額

國朝鐵保記禹貢揚州之域吳會山川秀麗蔚為人文余壬子歲典試是邦紫陽

鍾山兩書院得人最盛自是督漕三年撫東兩載如淮陰之

麗正愍下之樂源濟南各書院有者擴之無者創之公費不

足者捐廉以補助之數年中擬科第者纍纍而惟江南壬子

榜潘世恩中癸丑科狀元史致儼中己未會元吳廷琛中壬

戌科會狀進士二十餘人多一時名下士為近今所罕有益

信書院之關於文教其陶冶而成之者有數矣茲當

聖天子敦崇實學雅化作人翼命重申諄諄然猶慮

及可園地為基址而顏之曰正誼夫誼者義也官正其誼則治期探木士正其身名教爭自濯磨從此文治蒸蒸日上風今又使多士束身名教爭自濯磨從此文治蒸蒸日上風古而民風亦與之俱古中丞之力居多子特首先倡議耳敢云與有成勞耶白下近增尊經書院乃方伯康公董其事規模大備教化聿新當亦兩相輝映也夫是為記

附掌院題名

倪為炳

字僕園江蘇崇明人乾隆庚子科順天舉人

汪庚

字嘉慶辛酉安徽全椒人

吳頤

字慶辛酉長洲人嘉慶辛酉科進士

余集

字蓉裳浙江仁和人乾隆丙戌科進士

魏成憲

費庚吉

費振勳

字鶴江吳江人乾隆乙未科進士

朱方增

字虹舫浙江海鹽人嘉慶辛酉科進士

吳廷琛

字棟華元和人嘉慶壬戌科狀元

朱琦

翁心存

趙振祚

溫葆深

字明叔江甯上元人道光壬午科進士

馮桂芬

字景亭吳縣人道光庚子科榜眼

蔣德馨

字心香長洲人道光乙未科進士

嘉慶十年督撫撥給藩庫解存銀置田十九頃內除原業贖

回實田一千八百六十九畝有奇

內長洲田計五百八十六畝三分七釐九毫元和田

計八百八十八畝四分零五毫昭

又撥給華亭縣入官田價

每年徵收息銀七百二十兩

二十三年紳士捐置崇明縣永昌沙田五千八百三十三畝

有零二十四年增置常熟縣壽興新漲沙田一千五百四十

九畝有奇

當時勘見九百六十五畝餘俱見影水

租息由常

熟縣徵解

案以上舊置田產盡撥入紫陽書院今實存田二千三

百三十三畝九分九釐九毫

內長洲縣田一千七百七十五畝九分九釐六毫元

和縣田四百九十三畝二分七釐六毫

吳縣田六十四畝七分二釐七毫

陸續撥款增置又租房一所在中由吉巷徐莊愍公祠

左

平江書院在乘鯉坊舊在王廢基鼓樓坊乾隆八年知府雅

爾哈善創建平江學舍及六門義學以為童蒙讀書之地二

十七年知府李永書併為書院凡吳長元三縣童生邑選十

人入院肄業諸生亦與焉其後諸生盡歸入紫陽正誼兩書

院而平江書院專課童生道光時知府額騰伊重修成豐十

年燬於兵同治六年知府蒯德模重建今所并祀文丞相於

中今復設義塾教里中子弟

國朝覺羅雅爾哈善蘇郡義學記畧近代郡縣皆有學校學

之外別有書院而城郭鄉聚之閒又或分置義學以訓民間

子弟即古鄉黨小學之遺意然或作或輟視為具文者多矣

吳中自宋元明來人文之盛甲東南近奉詔旨闢建

書院延師課士德至渥也顧士之隸書院者選之四方拔其

尤然後得入童蒙不與焉今郡城人戶無慮百萬能延師自

課其子弟者十不得一豈無聽穎可造之資徒以單門寒賤

負笈無所從肄業無所資而游散淪棄良可惜也余不敏承

乏是邦政事之外思以教育人材為首務郡之六門舊有義

學皆假館寺院又無恆產興廢不常遂倡捐紳士仗贊斯美

乾隆八年覺羅雅公守吳時倡作義學署曰平江學舍年久
 乾隆八年覺羅雅公守吳時倡作義學署曰平江學舍年久
 不治殆將圯焉歲辛巳予守是邦見義學之廢也思葺而新
 之越明年壬午經理其事擴餘地為講堂學舍悉入嚮日義
 學之所有為膏火選員稽覈俾無廢闕於詞林縉紳中擇學
 行完潔者為之師長長元和三邑考置前列而未補弟子員
 者邑選十人入院肄業其諸生中已入紫陽書院之選而限
 於額者皆得與焉天事非始之難蓋終之難今幸而落其成
 又私幸來者之有同心也爰本其意而泐諸石以告來者
 刪德模改建平江書院並祀文丞相石像記同治甲子之歲
 德模承乏長洲時距蘇城克復甫半載井邑蕭條民人之流
 亡者率未歸鄉土余維為政之道首在興學校崇祀典紀綱
 既正而後百廢可次第舉也郡城故有平江書院為府縣課
 士地舊屋燬於賊無復存者城之東北隅遺偽府一所屋宇
 稱完整其左為文丞相祠丞相曾知平江路故世祀於此今
 其祠亦毀石像露立叢莽中無一椽之庇皆官斯土者不得
 辭其責也乃知元和縣事陶守廉知吳縣事張保衡牒之大
 吏即其地請咨改建平江書院並移祀信國石像於其後楹
 德模等更捐廉助工而後士之一月兩課講習有所焉先賢
 之靈爽有憑享祀不忒焉抑余聞課士者課其文章復將課
 其行誼也孝弟之行修之其家威儀進退之容衣服冠裳之

盛登此堂也秩秩彬彬然將於是乎在而况瞻先賢之遺
 像肅然起敬有不暇其傲慢之氣巽陵之狀者豈復成爲士
 也哉昔信國微時嘗瞻文廟庭庶喟然曰爲人須做到此極
 至地位至國朝道光開公果從祀兩廡由此觀之不惟不
 以科名重而并不以功業重讀聖賢書所學何事立志既堅
 越數百年猶將酬之此公所以昭然如日星河嶽德模等願
 與多士共勉之者也講舍之後有隙地數畝異日者人文蔚
 起更改而張之得於其間雅容弦歌觀文物聲明之盛則繼
 起者之事德模更有望焉夫有以於多士有待於後人者具
 予記之因爲述其顛末與夫有望於多士有待於後人者具
 著於篇若夫軒楹之位置庭宇之廣狹規模未備弗詳也

道光三年查實平江書院長洲縣田計四十一畝九分六釐

五毫今核實田三元和縣田計四十七畝四分三毫

附已廢書院義塾

錦峯書院在澚墅關道光十三年織造豫堃建延廣文九崧

鎮主講席咸豐十年燬

六門義學圍門在吳縣泰伯廟旁胥門在吳縣支家巷盤門在吳縣梅家橋齊門在長洲縣石皮街婁門在長洲縣迎春坊葑門在元和縣東禪寺旁俱乾隆八年知府雅爾哈善建二十七年知府李永書併入平江書院

附錄

賓興局在清嘉坊同治七年郡人潘曾璋勸建舊未設局有田千餘畝由縣徵租咸豐十年遭亂籍亡同治六年巡撫丁日昌清查田畝始盡復之屬曾璋董其事設局今所收租又撥款增置田八百十七畝有奇其後郡人潘儀鳳復捐置課

桑園地十畝充局中經費

園在察院場舊撫標守備署咸豐十年燬於寇同治七年儀鳳請於

當事種桑千株爲里中教率復以隙地蓋屋三椽設義塾又蓋屋七椽備民生息今義塾停止產並歸局今核存

舊長洲縣田三百六十畝二分一釐二毫元和縣田九百六十二畝三分二釐七毫崑山縣田一千零十畝四分九釐四毫新置長洲縣田六百七十二畝四分八釐四毫元和縣田三百四十三畝一分又陸續捐入長洲縣田七畝六分九釐四毫元和縣田二十一畝九分九釐二毫



